

萬 有 文 庫

第 二 集 七 百 種

王 雲 五 主 編

萬 層 重 修 二 百 二 十 八 卷 本

明 會 典

( 六 十 三 )

申 時 行 等 重 修

商 務 印 書 館 發 行

萬曆重修二百二十八卷本

明會典

(六十三)

申時行等重修

國學基本叢書

# 明會典卷之一百九十五 工部十五

## 【顏料】

洪武二十六年定。凡合用顏料。專設顏料局掌管。淘洗青綠。將見在甲字庫石礪。按月計料支出。淘洗分作等第進納。若燒造銀硃。用水銀。黃丹。用黑鉛。俱一體按月支料。燒煉完備。逐月差匠進赴甲字庫收貯。如果各色物料缺少。定奪奏聞。行移出產去處採取。或給價收買。砂法紫粉所用數多。止用蛤粉。蘇木染造。時常預爲行下本局。多爲備辦用度。如缺蛤粉。一體收買。

黑鉛一斤燒造黃丹一斤五錢三分三釐。

水銀一斤燒造銀硃一十四兩八分二硃三兩五錢二分。

次青礪石礪一斤淘造淨青礪一十一兩四錢三分。

暗色礪石礪一斤淘造淨石礪一十兩八錢七分六釐。

蛤粉一斤染造紫粉一斤一兩六錢。

礪砂一斤燒造礪砂礪一十五兩五錢。

凡修建顏料舊例。內外宮殿公廡房屋。該用青礪顏料。俱先行內府甲字等庫關支。不足方派各司府。○

嘉靖三十六年以大工題行雲南採解買辦。

凡寶色尙寶司每年該銀硃九十斤。行內庫關支。正德十二年加硃三十斤。派行四川收買涪州水花銀硃一百二十斤解部。轉發器皿廠淘洗送用。○嘉靖三十六年題准。以後動支節慎庫料銀照數召買。淘洗送用。每歲該銀六十三兩六錢。

凡各衙門年例印色。工部題行順天府宛大二縣買辦。

宗人府紫粉一十二斤銀硃二斤四兩。

左軍都督府紫粉二十四斤。

右軍都督府紫粉一十八斤。

中軍都督府紫粉二十四斤。

前軍都督府紫粉一十八斤。

後軍都督府紫粉三十六斤白芨一十斤十四兩五錢。

吏部紫粉一十二斤銀硃三斤白芨二斤。

戶部紫粉二十四斤二硃三斤白芨六斤。

禮部紫粉一十八斤。

兵部紫粉一十二斤銀硃三斤白芨二斤。

刑部紫粉一十斤銀硃四斤白芨二斤。

工部紫粉一十八斤二硃二斤白芨四斤。

都察院紫粉二十斤銀硃四斤白芨一斤。

通政司紫粉二十四斤。

大理寺紫粉一十斤銀硃二斤白芨一斤。

吏科二硃一斤一兩三錢三分三釐。

戶科二硃一斤十兩。

禮科二硃一斤十兩。

兵科二硃二斤三兩。

刑科二硃二斤。

工科二硃一斤八兩。

凡禁令洪武年間聖旨。如今營造合用顏料。但是出產去處。便著有司借倩人夫。採取來用。若不係出產去處。著百姓怎麼辦。那當該官吏又不明白具奏。只指著朝廷名色。以一科百。以十科千。百般苦害百姓。

似這等無理害民官吏。拏來都全家廢了不饒。若那地面本出產。卻奏說無。以後著人採取得有時。那官吏也不饒。雖是出產去處。也須量著人的氣力採辦。似這等百姓也不艱難生受。官民兩便。若有司家因而生事擾害他的。拏來全家廢了不饒。○永樂二十二年聖旨。古者土賦。隨地所產不強其所無。比年如丹漆石青之類。所司更不究產物之地。一槩下郡縣徵之。逼迫小民。鳩斂金幣。詣京師博易輸納。而商販之徒。乘時射利。物價騰踊數十倍。加不肖官吏。夤緣爲奸。計其所費朝廷。得其千百之什一。其餘悉肥下人。今宜切戒此弊。凡合用之物。必於出產之地。計直市之。若仍蹈故習。一槩科派以毒民者。必誅不宥。○成化二年。令內官監促辦累年未納物料。急用者以官銀收買。不急者停止。

【紙劄】

洪武二十六年定。凡每歲印造茶鹽引由契本鹽糧勘合等項。合命紙劄。著令有司抄解。其合用之數。如庫缺少定奪。奏聞。行移各司府州。照依上年紙數抄造解納。如遇起解到部。隨即辨驗。堪中如法。差人進赴乙字庫收貯聽用。

產紙地方分派造解額數。

陝西十五萬張。

湖廣十七萬張。

山西十萬張。

山東五萬五千張。

福建四萬張。

北平十萬張。

浙江二十五萬張。

江西二十萬張。

河南五萬五千張。

直隸三十八萬張。

凡各處進到紙劄。宣德七年。令不依原式及水濕不堪者。本部行移本處抄來陪補原數。○九年。以福建進到紙劄不合原式及麤薄不堪。令按察司治提調官罪。

凡合用鹽引勘合等項紙劄。宣德九年。俱令商人納價收買。各省免派。

凡乙字庫各色供應紙張缺乏。工部召買多寡不等。或量派出產地方抄解。不拘年例。

凡白榜紙高四尺四寸闊四尺。十年一次題派各省辦送一百二十萬張。貯乙字庫。或遇缺乏。召買隨行龍瀝紙代納。以尺寸不如式。每白榜紙百張價銀一兩。隨行紙嘉靖十六年估定。百張價銀四錢。

凡本部公用各色紙劄。每年三十一萬四千九百五張。行都察院見收囚人紙內。四季關領應用。年終題知其歲用白榜紙。永樂間題准。坐派安慶府額辦一萬六千八百張。遇閏加派一千四百張解部。

凡寶鈔司年例抄造供用草紙七十二萬張。御用監成造香事草紙一萬五千張。共七十三萬五千張。合用石灰、木炭、鐵器、木植等料。俱工部派辦。



# 明會典卷之一百九十六 工部十六

都水清吏司

郎中員外郎主事分掌川瀆陂池橋道舟車織造衡量之事。內一員提督清江浦造船隆慶六年加設。

【河渠一】

【運道一】【海道附】

國初都金陵則漕於江其餉遼卒猶漕於海自永樂都燕後歲漕東南四百萬石由江涉高寶諸湖絕淮入河經會通河出衛河白河遡大通河以達於京師諸洪泉壩閘以次修舉至於今纖悉具備故並載焉

大通河

大通河卽潞河舊爲通惠河其源出昌平州白浮村神山泉過榆河會一畝馬眼諸泉匯爲七里灤東貫都城由大通橋而下至通州高麗莊入白河長一百六十餘里元初所鑿賜名通惠每十里爲一閘蓄水通舟以免漕運陸輓之勞國朝永樂以來諸閘猶多存者仍設官夫守視然不以轉漕河流漸淤成化正德間累命疏之功不果就嘉靖六年遣漕運總兵錦衣衛都指揮及御史會濬之自大通橋起至通州石壩四十里地勢高下四丈中間設慶豐等五閘以蓄水每閘各設官吏共編夫一百八十名每名工食銀八兩造

剝船三百隻。每隻價銀三十五兩分置各關。責經紀領之。使製布囊盛米。雇役遞相轉輸。軍民稱便。

白河

白河南去通州二百里。其源出胡地。經密雲縣。合大通、榆、渾諸河。凡三百六十里。至直沽。會衛河入海。源遠流迅。河皆溜沙。每夏秋暴漲。最易衝決。每決輒發丁夫修築。屢築屢決。正統三年。命官相視地勢。自河西務徑二十里。改鑿順下。河遂安流。每淤淺處。設鋪舍。置夫甲。專管挑濬。舟過則招呼。使避淺而行。自此而南。運河淺鋪。以次而設。

衛河

衛河舊名御河。源出河南輝縣之蘇門山。東北流。會淇、漳諸水。過臨漳。分爲二。其一北出。經大名至武邑。以入滹沱。其一東流。經大名東北。出臨清。至直沽。會白河入海。長二千餘里。今爲運河。自臨清至直沽凡一百五十七處此河自德州而下。漸與海近。河狹地卑。易於衝決。每決輒發丁夫修治。嘉靖十三年。議准恩縣、東光、滄州、興濟四處。各建減水閘一座。以洩漲溢之水。

會通河

會通河自臨清迤南。至濟寧州。元初由任城。即今濟寧開渠。至安民山。即安山一百五十里。復自安民山之西南開渠。由壽張西北至東昌。又西北至臨清。凡二百五十里。引汶絕濟。直歸漳衛。洪武二十四年。河決原武。

縣黑陽山由舊曹州鄆城縣兩河口漫過安山湖而會通漸淤永樂九年因海運艱阻遣尙書都督等官疏鑿元人故道乃於東平州戴村汶水入海處築一土壩橫亘五里遏汶水使西流盡出南旺分流四分往南接濟徐呂六分往北以達臨清自後添設新開修築舊岸大爲漕運之利自臨清抵徐州七百里間全資汶泗沂沭諸水接運總曰開河舊爲開四十有三前元建者二十餘永樂以來先後增建者二十餘而減水通河諸關不與焉兩關之間每存稍淺一處約數丈多不過十餘丈用留洩水令積易盈今建設改革益多見開壩條下

### 汶河

汶河一出新泰縣宮山之下曰小汶河一出泰安州仙臺嶺一出萊蕪縣原山一出縣寨子村俱至州之靜封鎮合流曰大汶河出徂徠山之陽而小汶來會經寧陽縣北堽城歷汶上東平東阿又東北流入海元於堽城之左築壩遏汶入沆南流至濟寧合沂泗二水以達于淮自永樂間築戴村壩汶水盡出南旺於是沆沂泗自會濟而汶不復通沆今沂州亦有汶河一出蒙山東澗谷一出沂水縣南山谷俱入邳州淮河

### 沆河

沆河乃汶水之支流出寧陽縣北三十里堽城西南流又循縣南流三十里會寧陽諸泉又六十里經濟寧城東與泗合出天井開河

### 沂河

沂河源出曲阜縣尼山西南分流爲二。一西流至金口壩上卽與泗會。一南流亦與泗會出塔里河。又有出沂水縣艾山者。會蒙陰沂水諸泉。與沂山之汶合流。至邳州入淮。

### 泗河

泗河源出泗水縣陪尾山。四泉並發。西流至兗州府城東。又南流經橫河與沂水合。元時於兗州東門外五里金口作壩建閘。遏泗之南趨。國朝因而修築。每夏秋水長則啓閘。放使南流。會沂水由塔里河出師家莊閘。冬春水微則閉閘。令由黑風口東經兗城入濟。又南流會泲水至濟寧出天井閘。

### 濟河

濟河出王屋山。至河南濟源縣。二源合流。其水或伏或見。東出於陶丘北。又東北會於汶。今在汶上縣北。一名大清河。元人作金口壩。傍有河。卽黑風口西通濟流。並入會通河。

### 沁河

沁河出山西沁源縣綿山東谷。由太行山麓至河南原武縣黑陽山。與河汴合流。至徐州入運河。以濟徐呂二洪。每年水勢淺深尺寸。管洪官按季奏報。前代嘗引沁以通衛。正統以前。其支流猶自武陟山原村東北。由紅荊口經衛輝。凡六十里與衛通。天順七年。河趨陳潁入淮。乃開沁以達徐。復引河以合泗。而入衛之故道始漚。

南陽新河

新河在昭陽湖之東。起南陽至留城一百四十一里八十八步。嘉靖六年。以河決。命官開濬。垂成而止。十四年復決。乃因舊跡疏鑿。又起留城至境山。濬復舊河五十三里。凡役夫九萬一千有奇。八閱月而成。隆慶元年。山水衝決。復淤新河之三河口。薛河沙河。趕牛溝。會此故名。乃經理沙薛上流。各開支流。築黃家口。象裏溝等壩。引薛河由呂孟湖出地浜溝。築宋家壩。引沙河由尹家湖出鮎魚口。築黃甫壩。引沙河由滿家湖入南陽湖。次年上成。又爲三河口石壩一座。南陽湖石堤三十餘里。凡建閘九。築壩十三。減水閘二十。開支河九十六里。三年。又於昭陽湖以東。沙薛二水所從入舊河處。開鴻溝廢渠。達李家口。回回墓。而東出留城。閘計六十餘里。積水俱有宣洩。滕沛利之。

黃河徐呂二洪羊山新河附

黃河發源詳載元史。其流合陝西、山西諸水而始大。至河南始散漫泛溢。至山東勢益峻急。衝決無常。洪武二十四年。決原武。淤安山。正統十三年。河溢滎陽縣。自開封府城北。經曹濮二州。陽穀縣。以入運河。至兗州府沙灣之東。決大洪口。諸水從之入海。景泰四年。命官塞之。乃更作九堰八閘。以制水勢。復於開封府金龍口。卽利隆口筒瓦廂等處。開渠二十里。引河水東北入運河。弘治二年。復決金龍口。東北至張秋鎮。入運河。而紅荊口并陳留通許二縣。俱淤淺。命官治之。五年復決。未幾又決張秋。運河水從以入海。運舟甚

艱命內臣及文武官往治發丁夫數萬於黃陵岡南濬賈魯河一帶分殺水勢下由梁靖口至丁家道口會黃河出徐州流入運河又從黃河南濬孫家渡口別開新河一道導水南行由中牟至潁州東入於淮又濬四府營淤河由陳留縣至歸德州分爲二派一由宿遷縣小河口一由亳縣渦河會於淮又從黃陵岡至楊家口築壩堰十餘并築大名府三尖口等處長堤二百餘里及修南岸千家店筒瓦廂等處堤一百六十里始塞張秋決口更名曰安平鎮又於河東置減水石壩分五洞以洩水勢令管河官隨時修治正德四年溢皮狐營決曹縣之溫家口馮家口等處又北徙至儀封縣小宋集而決衝黃陵岡埽壩溢入賈魯河敗張家口等處縷水小堤循運河大堤東南行而賈魯河下流淤塞亦出張家口合而南注遂決楊家口道曹單二縣城下直趨豐沛命官塞之十二年溢武城縣壞城廓田廬命官修濬嘉靖五年上流驟溢東北至沛縣廟道口截運河注雞鳴臺口入昭陽湖汝泗南下之水從而東而河之出飛雲橋者漫而北泥沙壅淤亘數十里管河官力濬之僅通舟楫六年復塞老和尚寺八里屯張家莊等處命官發丁夫數萬於昭陽湖東北起汪家口南抵留城改鑿新河以避黃河衝塞之患尋以災異罷役命官卽故道濬之修築單縣林臺至沛縣舊城堤百四十餘里以塞入湖之道又濬趙皮寨孫家渡口殺上流之勢沛漕復通九年自沛北徙橫流金鄉魚臺出穀亭口命官濬趙皮寨抵寧陵故道及築睢州張見口至歸德州長隄百餘里以禦泛漲尋以河流改遷罷役十四年築岔河口縷水堤一道長三里又於曹縣八里

灣抵單縣侯家林。築長隄八十里。十六年。鑿地丘店野雞岡等上流支河四十餘里。十九年。濬睢州孫繼口至丁家道口淤河五十里。二十一年。又鑿野雞岡上流。李景高等口支河三。導河東注。以濟二洪。二十四年。由野雞岡決而南。至泗州合淮入海。遂溢蒙城五河臨淮等縣。二十五年。又決曹縣。溢入武城金鄉魚臺單縣。漂溺甚衆。命總理河道都御史會同南北直隸山東河南。撫按官議築曹縣等處不果。三十一年。又決房村至曲頭集。凡決四處。淤四十餘里。命官濬之。役夫五萬餘。三閱月而成。三十七年。淤新集趨段家口。析爲六支。入運河。又由碭山趨郭貫樓。析爲五支。出小浮橋會徐州洪。四十四年。郭貫樓淤。遂決華山。出飛雲橋。截沛以入昭陽湖。北泛胡陵城孟陽泊至穀亭。南溢於徐。命官往治。乃接六年所鑿故跡。役夫濬之。爲南陽新河。又疏舊河。自留城至境山。又堤馬家橋。遏河流之出飛雲橋者。使盡歸秦溝魚沛。橫流始絕。惟茶城時有淺阻。隆慶四年。又決邳州注睢寧。出小河口。自曹家口至直河淤百餘里。命官濬之。復故渠。盡塞諸決口。六年。築堤自徐沛至宿遷三百七十里。萬曆元年。茶城復淤。修建境山閘并護房村等處堤岸。及築遙堤。四年。開草灣導河。自安東縣後至金城五港入海。然汎濫如故。曹豐徐沛之間。隨塞隨決。五年。秦溝復淤。自崔家口歷北陳鴈門集等處。至九里山。出小浮橋。其一支自九里溝誼安山歷符離。出小河口。而崔鎮大決。散漫湖泊間。桃源以下。故渠多淺。六年。命官修治。乃議塞崔鎮口。因築遙堤束水衝沙。其南岸自三山頭至李字鋪長二萬八千五百五十八丈。又自歸仁集築橫堤至孫家灣。長七

千六百八十餘丈。又於桃源縣馬廠城築堤長七百四十丈。以遏南奔入淮之勢。其北岸自谷山至直河長九千四百六十四丈。又自古城至清河長一萬八千四百十丈。建崔鎮等滾水石壩四座。以緩泛溢之水。使不能潰堤而出。河流乃安。徐州洪在徐州爲運河要害。亂石峭立。凡百餘步。故又名百步洪。成化四年。命官鑿石以利舟楫。又鑿石路長一百三十餘丈。以便牽挽。二十年。置石壩長八十丈。遇有損壞。管河官隨時修築。嘉靖二十年。於洪下置石閘一座。呂梁洪在徐州東南六十里。有上下二洪。相距七里。亦運河要害。成化八年。命官整二石堤。共長七十餘丈。十六年。命官築石壩長一百六十五丈。復於壩西築堤二十餘丈。洪東整石路四百二十丈。遇有損壞。管河官隨時修築。嘉靖二十年。於洪下置石閘一座。羊山新河。萬曆十一年議准。由昭靈祠南黃河出口。歷羊山內華山梁山接境山開河置閘。以避咸港之溜。

淮安運道

自漢以來。卽有高家堰。在淮安之東南。永樂間。通淮河爲運道。築堤堰上。以防淮水東侵。又自府北鑿河。蓄諸湖水。南接清口。凡六十里。曰清江浦。乃運船由江入淮之道。建清江等閘。遞互啓閉。又築土壩。以遏水勢。後閘壩禁弛。河渠淤塞。嘉靖八年。疏治復舊。隆慶中。高家堰廢。淮水由黃浦口決入。漫衍民田。萬曆四年。開草灣河。渠長六十二里。分殺黃河以緩清口之衝。七年。復築高堰。起新莊。至越城。長一萬八百七十餘丈。堰成。淮水復由清口會黃河入海。而黃浦不復衝決。又以通濟閘逼近淮河。舊址塌損。改建於廿



羅城北。仍改濬河口。斜向西南。使黃水不得直射。因廢折新莊閘。又改福興閘於壽州。廠適中處所。其清江板閘。照舊增修。又議修復五壩。惟信字壩久廢不用。禮智二壩加築。仍舊車盤船隻。仁義二壩與清江閘相鄰。恐有衝漫。移築天妃閘內。八年。用石包砌高堰。九年。又於府城南運河之旁。自窯灣楊家澗。歷武家墩。開新河一道。長四十五里。曰永濟河。因置三閘。以備清浦之險。十一年。建清江浦外河石堤。長二里。礮菁七座。又建西橋石堤。長九十八丈。以禦淮黃之衝。

### 揚州高寶運道

自清口引淮爲清江浦。至烏沙河。匯管家白馬二湖。堤黃浦八淺。及寶應縣槐角樓南。諸湖相接。西抵泗州。盱眙縣界。皆運道所經。湖東有堤。長三十餘里。洪武九年。用輒修高家潭等處。成化二十一年。造石堤。漸修至二十餘里。其南高郵邵伯等湖。皆有石堤。連船觸堤。往往敗溺。弘治三年。命官於高郵河迤東開新河。以避其險。曰康濟河。中爲圈田。南北置閘。以時啓閉。兩岸俱甃以石。嘉靖五年。題准於汜光湖東傍舊堤開新河。長三十里。遂棄康濟河。又自寶應至界首。凡有溝可通注於海者。造平水閘十座。十年。又自寶應湖東築月堤。長二十一里。萬曆五年。淮水由黃浦口決入。石堤多壞。七年。命官修築。改建減水閘四座。加高閘石九座。自是寶應諸湖堤岸相接。十二年。題准於石堤之東。傍堤開新河三十餘里。以避槐角樓一帶之險。曰弘濟河。

儀真瓜洲運道

儀真上下江口及瓜洲便河皆由江達淮運道襟喉。宋時儀真嘗建三閘。洪武中卽其地築爲壩。弘治元年始建東關羅泗二閘。十二年復於濱江建攔潮閘。嘉靖五年題准潮長開閘放船潮退盤壩不許候閘。延久萬曆四年於朱輝港鑰匙河清江等處各開河以便停泊。

瓜洲江口舊建土壩江北糧船空回撤壩以出而江南重船反令盤壩搬剝艱難風濤守候。隆慶六年題准自時家洲以達花園港開渠六里有奇建瓜洲通江閘二座自此漕艘始免車盤之苦。萬曆四年於瓜洲開港塢以泊運船。

海道

元時海道自平江劉家港入海經通州海門縣黃連沙觜萬里長灘開洋沿山嶼抵淮安路鹽城縣歷海寧府東海縣又經密州膠州界放靈山洋投東北行路多淺沙旬月始抵成山計自上海至直沽楊村馬頭凡一萬三千三百五十里其後再變自劉家港出揚子江開洋落潮東北行離萬里長灘至白水綠水經黑水大洋轉成山西行過劉家島入沙門島放萊洲大洋抵界河至直沽其道差直三變自劉家港入海至崇明三沙放洋向東行入黑水大洋直取成山轉西至劉家島入沙門放萊州大洋至直沽如遇風順由浙西至京師不過旬月而已其道徑便國初海運猶仍元舊自會通河成報罷嘉靖中尋膠萊故道

燒鑿馬家壕十五里。達于麻灣。隆慶五年。議因其故開新河。令江南之糧。由淮安清江浦口。歷新壩口。馬家壕。麻灣口。海滄口。徑抵直沽天津。止一千六百里。半從河行。其海行者。止由海套不泛海洋。惟馬家壕分水嶺二處。開鑿爲難。遣科官勘報。竟以無源水多沙積而止。



# 明會典卷之一百九十七 工部十七

## 【河渠二】

### 【運道二】

#### 湖泉

湖泉之水導引蓄洩。皆以濟漕。爲運道所關。徐沛山東諸湖在運河東者。儲泉以益河之不足。曰水櫃。在運河西者。分漲以洩河之有餘。曰斗門。而淮揚諸湖卽爲運道。其山東新舊各泉。可引以濟漕者。派分爲五。入汶者爲分水派。入泗沂濟及天井。開漕河者爲天井派。入白馬河及南陽棗林魯橋。開河者爲魯橋派。入南陽新河者爲新河派。卽沙河派。入邳州河者爲邳州派。今備載焉。

安山湖在東平州。週圍八十三里零一百二十二步。舊有二閘。底高於河水不能入。湖之下口無閘。水不能出。嘉靖六年。止於湖中築堤十餘里。而湖益狹。後乃漸復焉。

南旺湖在濟寧州。週圍一百五十餘里。漕渠貫其中。西岸爲南旺西湖。東岸爲南岸東湖。汶水自東北來。界分東湖爲二。二湖之下北爲馬踏湖。又北爲伍莊湖。南爲蜀山湖。又南爲馬場湖。各湖通連無間。凡與西湖盡處相對者。卽爲東湖。東西湖中爲長堤二。西堤設斗門。爲減水閘。十有八。隨時啓閉。以濟運河。遇

有淤淺隨時挑濬。每二年一大挑。隆慶中開南旺月河二十里有奇。以便大挑。北至王家窪。南出尹家窪。稍北里餘各建通河大閘一座。

馬場湖週圍四十里。舊有堤壞與運河相通。河水稍盈卽洩入湖。每致淺涸。嘉靖十四年築堤長六十里。內外各植柳以護之。更置減水閘五座。運河易盈。湖水亦有蓄洩。

蒲灣泊武家湖在汶上縣。

南陽湖在魚臺。卽獨山坡匯爲湖。週圍七十六里。引沙河經其中。入新河。

昭陽大湖長十八里。小湖長十二里。二湖相連。北屬滕。南屬沛。週圍八十餘里。納諸縣水。湖口置石閘。放水入薛河。由金溝口以達舊運河。後以河決棄沽頭。於湖東開新河。則南陽在東。昭陽在西。去黃水益遠。運河乃安。

赤山湖、微山湖、呂孟湖、張莊湖、四湖相連。長八十里。在徐州引薛河出地浜溝。入新河。

蛤蟆湖長二十里。連汪湖長一十五里。周湖長二十里。柳湖長一十五里。在邳州。

落馬湖長六十里。茅茨湖長六十里。黃墩湖長二十里。侍丘湖長三十里。倉基湖長三十里。埠子湖長八十里。在宿遷縣。

大莊湖長十里。崔鎮湖長三十里。在桃源縣。

杜村湖長十里。萬家湖長十里。在清河縣。

管家湖在淮安府城西門外。舊有堤。永樂十四年。命官於湖中築長堤。以便運舟。隨時修築。

白馬湖長三里。汜光湖即寶應湖。長三十里。界首湖即津湖。長三里。在寶應縣。新開湖長三十五里。在高

郵州。邵伯湖長十八里。在江都縣。諸湖延袤高寶。以抵揚州。上下相接。

以上諸湖

東平州泉十四舊九  
新五

安園泉

吳家泉

張胡郎泉

小黃泉新

大黃泉新

王老溝泉

席橋泉

淨泉新

源泉新

冽泉新

杷頭泉

獨山泉

鐵鉤嘴泉

坎河泉俱入  
汶

舊有徐家莊灰  
蘆三泉。今廢。

汶上縣泉三舊二  
新一

龍鬪泉

灤當山泉

雞爪泉新俱  
入汶

舊有馮莊泉今廢

平陰縣泉一舊

柳溝泉入汶

滋陽縣泉八舊四新四

東北新泉

負假泉

西北新泉

鄒縣泉十二舊八新四

鱗眼泉

陳家溝泉

黃港溝泉新

馬山泉新

舊有白莊泉今廢

曲阜縣泉二十舊十七新三

闕黨泉

上蔣詡泉新

驛後新泉新俱入濟

程家莊泉新

白馬泉

淵源泉

勝水泉新俱入白馬河

古溝泉新

下蔣詡泉新

孟母泉

岡山泉

柳青泉

二角灣泉入魯橋河



橫溝泉

埠下泉

新安泉

變巧泉俱入

青泥泉

柳青泉

車輞泉

遠泉

茶泉

雙泉

曲水詠歸泉

溫泉

連珠泉

新泉

曲溝泉

濯纓泉

鄒村泉新

文水泉新

柳莊泉新俱入沂

蜈蚣泉會鱧眼泉入白馬河

舊有瀑聲泉今廢

泗水縣泉五十三舊三十三新

趵突泉

珍珠泉

淘糜泉

黑虎泉四泉俱出陪尾山林泉寺左會爲泗源

繁星泉

白石泉新

蓮花泉

新開泉新

響水泉

紅石泉

甘露泉七泉在林泉寺南會趵突等泉入泗

下莊泉

三台泉新

湧珠泉

石露泉新

甘露新泉新

奎聚泉新

琵琶泉

新七泉俱會酌突等良入四

潘波舊泉

潘波新泉新

黃陰泉

吳家泉

杜家泉

曹家泉

蔣家泉

里澇溝泉新

石井泉新

鮑村泉

合德泉新

趙家泉

龜陰泉

龜眼泉新

龜尾泉新

東巖石縵泉

珍珠泉在縣東南尙舒社

黃溝泉

岳陵泉

石河泉

壁溝泉

小玉溝泉

大玉溝泉

蘆城泉

西巖石縵泉

三角灣泉

雪花泉新

新開第二泉新

天井泉新

醴泉新

醴前泉新

七里溝泉新

馬莊泉新

馬跑泉新

魏莊泉新俱入泗

滕縣泉十八舊十五新三

北石橋泉

絞溝泉

趵突泉

玉花泉

黃溝泉

黃家溝泉俱轉入南陽新河

嶧縣泉五舊三新

許有泉

許池泉

寧陽縣泉十二舊

龍魚泉

灤當泉俱入汶

井泉

柳泉俱會蛇眼等泉入漕河

三里橋泉

趙溝泉

劉家溝泉新

魏家莊泉新

白山泉新

三界灣泉

溫水泉

龍王泉新俱入邳州河

龍港溝泉

蛇眼泉會諸泉入漕河經洗濟出天井關

三里溝泉

金馬莊泉

大烏泉

荆溝泉

南石橋泉

三山泉

溫水泉

龍灣泉二泉挑入新河

搬井泉新俱轉入南陽新河

魯姑泉

張家泉

古泉

古城泉俱入漕河

魯臺縣泉十四舊五新九

東龍泉

平山泉

古泉新

廉家潭泉新

西龍泉

聖母泉新

黃良泉

廟前泉

滕家泉新

河頭泉新

高家東泉新

高家西泉新

陳家泉新

中溢泉

新俱入南陽新河

濟寧州泉三舊

蘆溝泉

入南陽開河

拓基泉

入棗林開河

馬陵泉

入魯橋開河

泰安州泉三十八舊三十新五

板橋灣泉

皂泥溝泉

鯉魚溝泉

范家灣泉

鐵佛堂泉

清泉

周家灣泉

風雨泉

馬兒溝泉

梁子溝泉新

木頭溝泉

龍灣泉

張家泉

梁家莊泉

上泉

馬蹄溝泉

臭泉

朔港溝泉

水磨泉

狗跑泉

報恩泉

陷灣泉

胡家港泉

馬黃溝泉

龍王泉

濁河泉

斜溝泉

羊舍泉

顏謝泉

北滾泉

順河泉

韓家莊泉新

力溝泉

東柳泉

神泉新

西柳泉

龍堂泉

水波泉俱入汶

新泰縣泉十四舊十二

南陳泉

魏家泉

南師家泉

名公泉新

張家泉

公家莊泉

孫村泉

西周泉

名灣泉新

和莊泉

西都泉

古河泉

劉杜泉

靈查泉俱入汶

舊有北鮑泉及北流泉萬歲泉今廢

肥城縣泉九新舊四

清泉 拖車泉新

董家泉新 臧家泉 吳家泉

王家泉 開河泉新 馬房泉新俱入汶

萊蕪縣泉十六新舊五一

小龍灣泉 湖眼泉 蓮花池泉

郭娘泉 牛王泉 鵬山泉

烏江岸泉 鎮里泉 趙家莊泉

王家溝泉 半壁店泉 海眼泉新

雪家莊泉新 水河泉新 魚池泉新

新興泉新俱入汶

蒙陰縣

舊有泉河順德伏牛峪官橋下家莊五泉俱入邳州河今廢

沂水縣

舊有單家銅井芙蓉上泉盆泉灰泉大泉小泉雪王臺龍王堂共十泉俱入邳州河今廢

以上諸泉

開壩

宛平縣關五

青龍關

白石關

廣源關

高粱關

澄清關

大興縣關三

慶豐關

平津上下二關

通州關五  
壩一

普濟關

南普關

土橋關

廣利關

通流關

石壩

舊普濟通流俱有上  
下二關今各廢其一

臨清州關五

南板閘

新開上閘

沙灣減水閘

潘官屯減水閘

觀音營減水小閘

舊有會通臨  
清二閘今廢

清平縣閘三

戴家灣閘

李家口減水閘

魏家灣減水閘

堂邑縣閘四

梁家鄉閘

土橋閘

土橋進水閘

新開口進水閘

舊有土城中閘  
二減水閘今廢

博平縣閘五

第一至第五減水閘

舊有老堤頭北  
減水閘今廢

聊城縣閘十

通濟橋閘

李海務閘

周家店閘



龍灣西柳行二進水閘

官窯口、裴家口、方家口、李家口、耿家口、五減水閘

陽穀縣閘六

七級上下二閘

阿城上下二閘

荊門上下二閘

寧陽縣閘二

洸河東西二閘嘉靖六年建

舊有堰城石壩  
堰城閘今廢

滋陽縣壩一

金口閘

舊有土婁杏  
林二閘今廢

金口石壩成化八年因元  
舊易爲石堰

鄒縣

舊有港里積水  
閘小閘今廢

東阿縣閘一

通源閘

壽張縣閘一壩一

沙灣積水閘

師家壩

野豬腦堰

東平州閘七壩二

戴村閘舊

戴家廟閘嘉靖十年建

安山閘成化十年建

靳家口閘嘉靖四年建

袁家口閘

安山湖東西二小閘

戴村壩

坎河口堤壩

舊有魚營，減水閘，今廢。

汶上縣閘十六

開河閘

南旺上下二閘

寺前鋪閘

界首石口二積水閘舊

焦樂、張全、劉玄、彭秀、孔家、邢家、常家口、關家口、李泰口、田家口十減

水閘

鉅野縣閘一壩

長溝減水閘嘉靖九年建

蓬子山壩

濟寧州閘十四

天井閘

在城閘

趙村閘

石佛閘

新店閘

新閘六閘俱因元舊嘉靖間重修

仲家淺閘宣德四年建

師家莊閘

魯橋閘二閘永樂間建

上新閘

中新閘

下新閘三閘俱成化十一年建

棗林閘永樂間建

四里灣減水閘

舊有分水閘廣運上下二閘永通上閘耐牢坡閘宮村閘吳泰閘片玉閘碎玉閘今廢

濟寧衛閘

永通減水閘

五里營平水閘

十里舖平水閘

安居平水閘

魚臺縣閘十六

南陽閘宣德二年建

利建閘即宋家口閘隆慶元年建

新河十四減水閘嘉靖四十五年建

蘇家壩

舊有穀亭八里灣硯瓦溝陽城湖泥河五閘今廢

滕縣閘一壩五

佃戶屯減水閘

東邵壩

王家口壩

豸裏壩

宋家壩

黃甫壩以上開壩俱隆慶二年建築

沛縣壩開七壩三

珠梅閘

楊莊閘

夏鎮閘

滿家閘

西柳莊閘

馬家橋閘

留城閘以上七閘俱隆慶元年以舊河孟陽泊沽頭上中下胡陵城廟道口謝溝七閘改建

沙河壩隆慶元年築 薛河口石壩隆慶二年築

舊有新興閘金溝口飛雲橋雜鳴壩昭陽湖中東四六積水閘今廢

徐州壩開四壩二

黃家閘天順三年建 梁境閘卽境山舊閘萬曆二年復

古洪閘二閘萬曆十一年建 徐州洪石壩

舊有徐州洪閘呂梁洪上下二閘今廢

邳州壩開一

匙頭灣減水閘萬曆八年建

桃源縣壩開一壩四

馬廠坡減水閘萬曆八年建

崔鎮徐昇季太三義四減水石壩萬曆七年築遙堤建

清河縣閘一

通濟閘嘉靖中建萬曆七年改建廿羅城出口之處匯淮每年天妃壩萬曆七年

舊有新莊閘天妃閘萬曆七年俱廢

山陽縣閘七壩六堤一

福興閘萬曆七年改建壽州廠

清江閘

板閘

龍汪閘

永清閘

窯灣閘三閘萬曆十年永濟河建

黃浦減水閘萬曆二年建

方家壩

新建壩

仁義禮智四字壩

高家堰石堤萬曆七年建

舊有移風閘甌閘新城上下二閘及萬曆元年建涇河平河橋二減水閘又有清江東西淮安滿浦南鎮五壩信字壩今俱廢

寶應縣閘十

弘濟河南北二閘

長沙溝減水閘

朱馬灣減水閘

劉家堡減水閘五閘俱萬曆十二年建江橋北等八減水閘嘉靖萬曆年間建

舊有七里溝菜橋口魚兒溝三減水閘白馬湖七里溝槐角樓滾水壩今俱建

高郵州壩九

康濟河南北二閘萬曆十四年建

城南河堤三減水閘嘉靖中建

新中堤四減水閘萬曆五年建

蛤蜊壩

舊有觀橋上下二閘車  
邏王琴二減水閘今廢

江都縣閘十六

廣惠閘

通惠閘二閘隆慶六年瓜洲建

邵伯九減水閘

芒稻河減水閘萬曆十一年建

沙壩裔家馬家度南潭四平水閘萬曆元年建

瓜洲十壩舊十

灣頭滾水壩

舊有朝宗上下通江新開大同潘家大橋江口留湖九閘及新廟等十一減水  
閘邵伯小壩楊子橋古壩瓜洲減水碓雷公上下二塘小新塘甸坡塘今俱廢

儀真縣閘六

嚮水閘

通濟閘

羅泗閘一名臨江閘

攔潮閘

一壩至五壩

新壩

舊有清江等八閘裏河口閘及東門新高橋二減水閘劉塘  
茅家山北山陳公四塘蔣家溝張家溝二減水碓今俱廢

丹徒縣閘一

大犢山閘 萬曆十一年建

丹陽縣閘 一

黃泥壩閘 萬曆十一年建以上二閘俱爲挑復練湖設





明會典卷之一百九十八工部十八

【河渠三】

夫役

運河夫役在各泉閘原額頗多後或議裁革或改停役停役夫候大挑調用或徵銀一兩六錢爲銀差或改折徵銀六兩貯庫沿革不常今斷自萬曆四年爲則新舊額數備載焉

宛平縣青龍等閘五共夫七十五名

大興縣慶豐等閘三共夫四十七名

通州普濟等閘五共夫九十三名淺鋪十小甲十名夫一百名修堤小甲八名夫七十五名

通州左衛淺鋪二小甲二名夫二十名修堤小甲三名夫二十六名

通州右衛淺鋪四小甲四名夫四十名修堤小甲四名夫三十六名

定邊衛淺鋪二小甲二名夫二十名修堤總甲一名小甲四名夫四十五名

神武中衛淺鋪三小甲三名夫三十名修堤小甲五名夫四十五名

寶抵縣修堤小甲四名夫四十六名

東安縣修堤總甲一名。小甲六名。夫七十名。

灤縣淺鋪四。小甲四名。夫四十名。修堤總甲二名。小甲八名。夫九十名。

香河縣淺鋪六。小甲六名。舊用老人夫六十名。修堤總甲一名。小甲三名。夫四十名。

營州前屯衛淺鋪四。小甲四名。夫四十名。修堤總甲一名。小甲二名。夫二十四名。看淺夫三名。

武清縣淺鋪十一。小甲十一名。夫一百一十名。看守耍兒渡口等堤五處。總甲一名。小甲五名。夫五

十名。修堤老人一名。總甲二名。小甲九名。夫九十二名。

武清衛淺鋪四。小甲四名。夫四十名。修堤總甲一名。小甲一名。夫九十九名。

天津衛淺鋪十一。舊十小甲十二名。夫一百八名。今存二十四名。軍夫六十名。修堤小甲五名。夫四

十五名。

天津左衛淺鋪二十四。小甲二十四名。夫二百十六名。今存四十八名。軍夫一百八十名。修堤小甲

五名。夫四十五名。

天津右衛淺鋪十。小甲十名。夫九十名。今存二十名。軍夫五十名。修堤小甲五名。夫四十五名。

霸州蘇家等淺鋪十一。舊一老人十一名。夫一百十名。修堤夫二百六十名。

靜海縣淺鋪九。老人九名。夫九十名。修堤夫六百名。

青縣淺鋪六。老人六名。夫六十名。修堤夫六百十六名。

興濟縣淺鋪七。老人七名。夫七十名。內軍夫二十名。民夫五十名。

滄州淺鋪七。老人七名。夫七十名。

交河縣淺鋪五。老人五名。夫五十名。修堤夫三百名。

南皮縣淺鋪五。老人五名。夫五十名。修堤夫三百五十名。

景州淺鋪四。老人四名。夫四十名。修堤夫二百名。

吳橋縣淺鋪十。老人十名。夫一百名。修堤夫四百五十名。

故城縣淺鋪三。老人三名。夫三十名。修堤夫八十名。

東光縣淺鋪七。老人七名。夫七十名。

德州上八里等淺鋪七。六老人七名。夫一百四十名。後折毀七十名。今存七十名。

德州衛張家灣等淺鋪十。八小甲十名。軍夫一百名。舊每鋪九名

德州左衛鄭家口等淺鋪六。小甲六名。軍夫六十名。舊每鋪九名

恩縣白馬廟等淺鋪七。五老人七名。夫七十名。今存三十五名。撈淺夫二十八名。今存十四名。沙灣

修堤大戶。夫七十五名。

武城縣桑園口等淺鋪二十九舊二老人二十九名夫二百六十一名後折徵八今存一百七十四

名沙灣修堤守口大戶夫二十五名

夏津縣趙貨郎口等淺鋪八老人八名夫八十名後折徵四十名今存四十名撈淺夫二十名今存十名沙

灣修堤夫六名

清河縣二哥營等淺鋪八老人八名夫八十名後折徵三十二名今存四十八名

臨清州南板閘夫四十名灑夫一百十五名新開上閘夫四十名灑夫七十五名今二閘共夫八十

四名灑夫共存四十名潘家橋等淺鋪十一老人十一名夫一百七十一名後折徵七十六名今存九十

五名撈淺夫九十名今存三十九名橋夫二十八名今存二十名

館陶縣尖塚兒等淺鋪十二老人十二名夫九十六名後折徵二十四名今存七十二名

清平縣戴家灣閘夫三十名魏家灣等淺鋪九老人九名夫八十一名後折徵三十六名今存四十五名撈

淺夫一百三十二名後折徵十六名今存六十六名

堂邑縣土橋梁家鄉二閘各夫三十名梁家鄉等淺鋪七老人七名夫七十名今存三十五名撈淺

夫二百名今存六十六名

博平縣梭堤等淺鋪六老人六名夫五十四名後折徵二十四名今存三十名撈淺夫一百三十二名後折徵六

十六 今存六十六名。

聊城縣通濟橋李海務周家店三閘各夫三十名官窯口等淺鋪二十三老人二十三名夫二百七

名後折徵九十二名今存一百一十五名撈淺夫二百名今存八十五名。

陽穀縣七級阿城荆門六閘舊各夫二十名今共夫一百五十名荆門上下二閘月河修壩夫各五

十名管驛灣等淺鋪十二舊十老人十二名夫一百八名後折徵四十八名今存六十名撈淺夫四百八十

七名後折徵二十四今存二百四十四名。

東阿縣沙灣等淺鋪九舊八老人九名夫八十名後折徵十五名今存四十五名撈淺夫一百五十八名後折

徵七十九名今存七十九名。

壽張縣大家廟等淺鋪五老人五名夫四十五名後折徵二十名今存二十五名撈淺夫九十二名後折徵四十六

名今存四十六名渡夫四名今存二名。

東平州戴家廟安山二閘各夫三十名靳家等淺鋪十三老人十三名夫一百一十七名後折徵四十二名

今存七十五名撈淺夫一百八十二名後折徵九十一名今存九十一名戴村修壩老人四名舊一夫一百

五十名後革四十八名又停役十二名銀差二十名後又折徵四十六名今存二十四名安圈等泉老人二名存一名夫六十五

名後折徵二十六名今存三十九名。

東平守禦千戶所。安山等淺鋪四。小甲四名。軍夫四十名。

平山衛第五等淺鋪五。軍夫五十名。

汶上縣開河寺前鋪袁家口靳家口四閘。各夫三十名。袁靳家口有涵夫并各閘夫俱於撈淺夫內改編南旺上下二閘。共

夫四十名。南旺寺前鋪二處。涵夫各九十名。後各折徵四十五名今各存四十五名。界首等淺鋪十四。老人

十四名。夫一百二十六名。後折徵五十六名今存七十名。撈淺夫四百五十二名。後折徵二百二十六名今存二百

二十六名。戴村修壩夫一百五十名。後革四十八名。又停役十二名。折徵六十六名今存二十四名。蒲灣泊武家湖共老

人一名。夫三十名。龍鬪等泉。老人二名。今革夫四十三名。後停役六名。又折徵十四名今存二十二名。

嘉祥縣大長溝等淺鋪四。老人四名。夫三十六名。後折徵十六名今存二十名。撈淺夫一百三十七名。後折徵六

十八名。今存六十九名。

鉅野縣大頭灣等淺鋪五。小甲五名。夫四十五名。後停役折徵二十名今存二十五名。撈淺夫二百四十五名。

後停役折徵一百二十二名今存一百二十三名。蓬子山壩夫三十名。

濟寧衛永通閘夫二名。曹井橋等淺鋪五。小甲五名。軍夫五十名。撈淺夫一百八十二名。舊二百名。隆慶三年

減後折徵九十一名今存九十一名。

濟寧州天井。在城。趙村石佛。新店。新閘。仲家淺。師家莊魯橋。棗林閘。各夫三十名。上新中新下新三

開、各四名。在城開、漕夫三百名。後折徵九十名、撥補天井開二十三名。今存六十七名。天井開漕夫九十名。後折徵四十五

名。今存六十八名。內借撥在城開二十三名。趙村、石佛、新店、新開、仲家淺魯橋、棗林七開。漕夫各

一百三十三名。師家莊開、漕夫一百三十六名。後趙村等四開各折徵六十六名。今存六十七名。仲家淺改編一

百一十三名。折徵十名。今存十名。師家莊改編七十名。折徵三十三名。今存三十三名。硯瓦等淺鋪十二。老人

十二名。夫一百八名。後折徵四十八名。今存六十名。撈淺夫四百三十五名。後折徵二百一十七名。今存二百一十

八名。南門橋草橋、夫二十名。舊橋五、夫五十七。盧溝等泉老人一名。今革。夫二十六名。後革四名、折徵十三名。今存九名。

滋陽縣金口壩老人四名。修壩夫一百八十名。後革二十八名、改停役銀差一百三十二名、折徵十名。今存十名。沈河淺鋪十、

夫四十名。後革十三名、又折徵十四名。今存十三名。濟河淺鋪五。夫二十五名。後革三名、又折徵十名。今存十二名。沙灣

守口大戶夫十五名。東北新等泉老人二名。今革。夫二十六名。後革四名、折徵十三名。今存十三名。

平陰縣柳溝泉老人一名。今革。夫十名。

寧陽縣堽城壩老人二名。今革。夫二百一十五名。後革一百八十三名、停役三十一名。今存一名。龍魚等泉老人一名。今革。

夫一百八十七名。後革十八名、停役六十九名。今存一百名。

魚臺縣南陽利建二開。各夫三十名。南陽開漕夫一百三十四名。後改堤夫一百二十名、折徵七名。今存七名。利建

開漕夫一百五十一名。後折徵七十五名。今存七十六名。改新河堤夫張家林等淺鋪二十一。老人二十

一名夫一百八十九名。後折徵八十四名。今存一百五名。撈淺夫二百二十名。後折徵一百十名。今存一百十名。

東龍等泉老人三名。革今。夫五十五名。後革十三名。折徵二十五名。今存十七名。

鄒縣撈淺夫十名。鱗眼等泉老人六名。革今。夫一百二十八名。後革十名。又改堤夫五十名。又折徵四十六名。今存三十一名。

曲阜縣橫溝等泉老人一名。革今。夫六十七名。後折徵十三名。今存三十四名。

泗水縣趵突等泉老人二名。革今。夫一百五十七名。後折徵七十八名。今存七十九名。

滕縣北石橋等泉老人二名。革今。夫二百九十九名。後革三十七名。改停役六十名。堤夫五十名。今存三十

一名。東邵等壩五。夫一百一十名。

嶧縣許有等泉老人一名。革今。夫六十三名。後革九名。改堤夫三十名。折徵十四名。又革五名。今存五名。

泰安州板橋灣等泉老人四名。革今。夫三百二十三名。後折徵一百三十名。今存一百九十三名。

新泰縣南陳等泉老人二名。革今。夫二百六名。後折徵八十六名。今存九十九名。

肥城縣清泉等泉老人一名。舊三名。夫七十九名。後折徵十二名。今存四十七名。

萊蕪縣小龍灣等泉老人一名。革今。夫二百三名。後折徵八十三名。今存一百二十名。

沛縣珠梅閘夫三十名。守堤夫三十六名。夏鎮閘夫四十名。灑夫一百十五名。留城滿家橋西柳莊

馬家橋楊莊閘各夫三十名。灑夫各一百二十五名。以上七閘夫俱以舊運河孟陽泊等七閘夫改撥。金溝等淺鋪十九



老人十九名，夫三百八十名。後革一百六十八名，今存一百三十三名。

豐縣大黃堤鋪十七鋪，夫三百六名。

碭山縣縷堤鋪九鋪，夫一百六十八名。

徐州黃家梁境內華古洪四閘各夫三十名，黃家閘濶夫一百三十名。後革十二名，今存九十八名。徐州

洪夫九百一名，今存七百五十一名。呂梁洪夫一千五百五十名，今存一千三百名。雙溝等淺鋪

四十三。舊三十六，老人四十三名，夫四百三十名。舊每鋪四十名，後止七名，今存三百一名。堤鋪二十二，守堤夫六

百六名。

睢寧縣龍岡等淺鋪十一，老人十一名，夫二百二十名。舊每鋪一百五十名，弘治三年革存前數，今存一百九十八名。改堤

夫堤鋪二十七，守堤夫七百四十一名。

邳州蔡家莊等淺鋪十一。舊十，老人十一名，夫二百二十名。舊每鋪一百五十名，弘治三年革存前數，後又革二十二名，今存一百

九十八名。改堤夫，堤鋪二十八，守堤夫四百七十三名。

邳州衛東城安淺鋪夫二十名。後革二名，今存一十八名。

宿遷縣武家溝等淺鋪二十一。舊三，老人二十一名，夫四百二十名。舊每鋪一百名，弘治三年革存前數，今存二百三十

名。改堤夫，堤鋪十四，守堤夫六十四名。歸仁集遙鋪十三，守堤義官一員，夫二百七十九名。

桃源縣汝河南等淺鋪十二。老人十二名。夫二百四十名。舊每鋪一百名。弘治三年革。存前數。後又減。停七十四名。今存一百六

十六名。堤鋪二十七。守堤夫三百三十一名。

清河縣通濟閘夫三十名。李家橋等淺鋪五。老人五名。夫六十名。舊每鋪十二名。後各減二。革吳城淺二十名。今存五十

三名。堤鋪五。守堤夫六十五名。

山陽縣福興閘夫四十名。後革十名。停役六名。今存二十四名。清江閘夫四十名。後革十名。停役六名。改撥天妃閘五名。今存二

十一名。板閘夫三十名。後革六名。停役十四名。今存十名。龍汪等三閘。即以福興清江舊閘官夫改撥。黃家

等淺鋪十五。老人十五名。夫七十五名。後革七名。後又復板閘等。停役夫三十二名。今一百名。清江浦西橋守堤夫五

十名。高家堰堤鋪六十七。守堤夫八百八名。

寶應縣子嬰溝等淺鋪九。淺官九員。舊老人塘長各九名。夫四百四十三名。後革二百五名。今存二百八十八名。舊有

子嬰溝第一淺夫二十五名。瓦店等二淺夫十名。今革。

高郵州王琴新河等淺鋪十七。夫二百七十名。後革一百二十四名。蛤蜊壩夫七名。原設永充壩夫十五名。弘治末年逃絕。存前數。舊

有丁家灣等淺鋪十一。老人十一名。夫一百九十名。康濟河淺鋪六。老人六名。夫六十名。今俱革。

江都縣廣惠通惠二閘。各夫六十名。城南北等淺鋪十一。老人十七名。舊老人塘長各十一名。夫二百五十四

名。舊二百二十名。瓜洲十壩夫三百七名。後革二十八名。又停役一百一十九名。今存一百二十名於閘夫內撥用。三年一

次挑港夫二千四百九十二名

儀真縣通濟閘夫五十七名。響水羅泗閘潮三閘各五十五名。麻線港等淺鋪三。老人三名。夫二十七名。六壩夫於閘夫內撥二名看守。三年一次挑港夫九千二百二十名。

### 運河錢糧

通惠河郎中所屬

通州等安等七州縣椿草銀五百三兩六錢五分。

通州左右神武等九衛椿草銀六百十六兩。

北河郎中所屬

袁州府屬州縣并衛所石灰十三萬八千斤。檣麻九十六斤。椿草檣麻銀五千五百三十五兩六

錢八分。副甄銀二百五十七兩七錢六分。安山南旺等湖租銀三千三百三十五兩二錢四釐

八毫。各州縣裁革折徵撈淺鋪等夫二千二百八十名。每名歲徵銀十一兩渡夫二名。每名歲徵八兩共該銀

二萬七千三百七十六兩。萬曆四年議定。每名連椿草歲徵銀六兩著爲例。每歲共該銀一萬

三千六百九十二兩。

東昌府屬州縣并帶管德州德州左二衛及清河縣副甄一萬六千九百九十三箇。石灰九千二

百斤。椿草、檉麻、靛灰銀二千四百八十兩六錢四分。各州縣裁革折徵撈淺鋪夫八百六十二名。萬曆四年議定每名連椿草歲徵銀六兩。每歲共該銀五千一百七十八兩。

河間府屬州縣并衛所椿草銀二百五十八兩五錢六分。葦草銀二百三十五兩三錢六分。檉麻副靛銀各五十三兩四分。石灰銀二十六兩五錢二分。

南河郎中所屬今天妃閣以北改屬中河。郎中以南仍屬南河郎中。

淮安府屬天妃閣以北、邳州、清、桃、睢、宿、五州縣并邳州衛椿草、靛灰銀四百六十九兩八分。

廬鳳二府并滁和二州徵解邳州河堤防守夫銀一萬二千九十六兩。

徐州并屬縣椿草、靛灰銀八百七十九兩八分。

廬鳳二府并揚州府屬州縣徵解徐州停役夫協助河工銀一千三百九十九兩二錢。

徐州庫收支徐州洪稅協濟河工錢糧歲徵無定額。約萬餘兩不等。

管泉主事所屬

濟甯二府有泉州縣額徵泉壩錢糧椿草銀四百五十三兩一錢二分。壩夫銀二百一十一兩二錢。

裁革泉夫折徵銀九千二十四兩。裁革壩夫折徵銀一千五百四十四兩。裁革泲濟河淺夫折

徵銀二百八十八兩。萬曆四年議定每名連椿草歲徵銀六兩。

黃河錢糧

山東管河道副使所屬

兗州府屬州縣堤鋪夫銀九千八百六十兩。

河南管河道副使所屬

開封等八府并汝州河堡夫銀三萬二千八百五十三兩。

凡運河職官永樂初年差主事一員疏導寧陽縣等處泉源以濟運河。後又差通政郎中各一員。○又差主事一員專管閘河。臨清閘則令提督衛河提舉司主事兼管。皆三年更代。○十二年議罷海運。令工部尙書一員及都督一員疏濬運河。○十五年令伯一員充總兵官。創行漕事。○又遣都督侍郎各一員。及尙書一員。伯二員。往來提督。以本部員外郎主事二員分理。○又遣侍郎提督。監察御史。錦衣衛。千戶等官巡視。○十九年遣侯伯各二員。分理濟寧等閘及徐州呂梁二洪通州等處河道。徐州洪差御史一員。又差郎中一員。呂梁洪差少卿一員。又差河南按察司官一員。又差郎中一員。今二洪各差主事一員。專管三年更代。遂爲定制。○宣德中設濟寧管閘主事。○正統四年定巡視河道部屬官六員。提督侍郎都御史各一員。以濟寧爲界。其南屬侍郎。其北屬都御史。又以都督一員遞相提督。○景泰元年令提督河道專屬都御史。○二年減巡視河道主事一員。復減巡河御史二員。以巡鹽御史兼理。○三年設山東府州縣管河官。○六年令

總督漕運都督兼理河道。○天順元年。減淮安臨清沙灣巡河主事三員。仍差主事一員。管揚州一帶河道。○成化初。定設主事一員。專管寧陽縣等處泉源。○七年。始分河道爲三節。北自通州至德州。南自沛縣至儀真。各屬郎中一員。中自德州至濟寧。屬山東按察司官一員。又以侍郎一員。總理罷主事御史。惟管洪開主事如故。○八年。復令長蘆巡鹽御史兼理通州臨清一帶河道。又御史一員。兼理濟寧至南京河道。○十三年。奏准管河郎中兼理河道驛。傳捕盜夫役等事。○又令河道自通州至濟寧。濟寧至儀真。仍以郎中二員分理。○十九年。令沛縣沽頭等閘。別差主事一員提督。○二十一年。罷河南布政司管河沁二水官。添設主事一員。○弘治元年。罷沽頭閘主事。令濟寧以南河道屬巡鹽御史兼理。○又罷管河沁二水主事。令徐州洪主事提調。○三年。令山東勸農參政兼理山東河道。○又令各府州縣管河官帶領家口。專在該管去處住坐。管理河道。不許私回衙門。營幹他事。○七年。復差沽頭主事。○八年。因治河工完。奏准仍以河道分三節。設官三員理之。○革淮揚二府山陽等縣管河通判主簿。○十八年。令浙西水利僉事濬常鎮河道。以便糧運。○正德二年。革河南新鄉獲嘉武陟等縣管河主簿。○八年。設大名府通判一員。東明長垣武城曹縣主簿各一員。專管河道。○嘉靖二年。復罷沽頭閘主事。并罷湖陵沽頭上中下金溝射溝新興黃家等八閘官吏。令徐州洪主事帶管。○又議准。遣都御史一員。提督河道事務。山東河南南北直隸巡撫三司等官。俱聽節制。仍添註郎中員外郎各一員分理。○七年。罷提督衛河提舉

司主事令管輒主事帶管閘座○又以修濬大通河成設郎中一員駐劄通州往來督理兼管天津一帶河道○八年罷戶部督運官令管河郎中兼理○又令徐州兵備副使兼理曹沛徐淮一帶黃河○十三年復設沽頭閘主事并新興黃家湖陵等七閘官吏人夫○十四年復設直隸景州滄州管河通判○十五年設兗州府同知一員疏濬泉源聽管泉主事提調○又令清江浦抽分主事兼管移風等五閘○二十年設南旺管閘主事○置境山鎮閘及官吏人夫○又令濬南旺安山馬場昭陽四湖築堤開渠添置閘壩斗門仍照地界分隸本部郎中帶管○二十四年革南旺管閘主事令管泉主事帶管○添設歸德府通判一員商丘縣主簿一員專管河道○二十五年改兗州府管泉同知爲管河同知駐劄曹縣添設單縣管河主簿一員○隆慶元年移沽頭主事于夏鎮駐劄管理新河一帶○三年革棗林魯橋利建各閘官以南陽閘帶管革師家莊新閘閘官以仲家淺帶管○六年添設河南副使一員給勅專管黃河修築堤岸○又題復夏津魚臺二縣各主簿一員專管新河石堤閘壩○設廣惠閘官吏帶管通惠閘○萬曆元年題准蘇常鎮三府運河責之蘇松兵備副使浙西運河責之浙江水利僉事照所轄地方時加疏濬如有疏濬不早致誤糧運者俱聽總理河道侍郎并僉運御史參究○革移風閘帶管板閘官吏○三年革兗州府南旺管河通判令本府管河同知帶管仍兼管泉濟寧衛管河指揮一員○四年添設山東督濬官東平濟寧二州各判官一員泰安州吏目一員汶上曲阜鄒滕四縣各縣丞一員泗水魚臺二縣各主簿一

員。新泰萊蕪肥城平陰甯陽滋陽嶧七縣各典史一員。鉅野嘉祥共典史一員。每州縣設管泉義官一員。或兼管壩。惟魚臺平陰不設泉官。以濟寧東平帶管。又泰安州泉官二員。革一員。鄒嶧二縣各泉官俱革。以濟寧滕縣帶管。其各州縣管泉老人並革。○添設淮安府管河同知一員。○五年添設總理河漕都御史一員。後以治河工完停止。○革提督河道都御史。其事務併歸各該巡撫。照地分管。○又革呂梁洪主事。添設中河郎中一員。駐劄呂梁。兼管洪事。○六年革徐州洪主事。併屬中河郎中兼管其鈔務。歸併戶部分司。○七年議准。山東河南南北直隸各巡撫銜內添兼管河道四字。給與專勅。○添設高堰柳浦二堤大使一員。歸仁集遙堤義官一員。○八年革土橋李海務二閘閘官。以梁家鄉周家店官各帶管。○十一年議准。淮安府管河同知二員。原駐邳州者。改於甘羅城。專管清桃山鹽等處河道。原駐徐州者。改於邳州。管徐州至宿遷河道。○設梁境古洪各閘官一員。內華閘。以古洪帶管。○十三年。令山東濟青登萊四府管糧通判。及所屬州縣管糧官。俱帶管水利。凡漕河正閘各設閘官一員。吏一名。其無官吏者以別閘帶管。凡運河禁令。宣德八年。令沿河無軍衛處。免其民雜泛征科。專修河道。○景泰六年。奏准。修河人戶免養馬。○天順二年。令河道三年一次挑濬。○成化十年。令凡故決南旺昭陽湖堤岸。及阻絕泰山等處泉源者。爲首之人。發充軍。軍人發邊衛。凡侵占河岸牽路爲房屋者。撤去治罪。凡漕河事。悉聽掌管官區處。他官不得侵越。凡所徵椿草。并折徵銀錢備河道之用者。毋得以別事擅支。凡府州縣添設通判判官主簿。



閘壩官專理河防。不許別委。有犯。行巡河御史等官問理。別項上司。不許徑自提問。○又令諸閘壩洪淺。夫官員過者。不許拘令拽船。○弘治二年。令各處河堤。每年增高一尺。闊一尺。管河官年終具數奏聞。○十三年。奏准。河南地方盜決。及故決河防。毀害人家。漂失財物。淪沒田禾。犯該徒罪以上。爲首者。若係旗舍餘丁。民人。俱發附近充軍。係軍調發邊衛。○又題准。運河一帶。用強包攬閘夫。溜夫二名之上。俱問罪。旗軍發邊衛。民并軍丁人等。發附近各充軍。其攬當一名。不係用強生事者。問罪。枷號一箇月發落。○十五年。議准。凡故決厲山湖。安山湖。積水湖。堤岸者。照故決南旺等湖事例。用草捲閘板盜洩水利得財。該徒罪以上者。照盜決河防事例。各問罪。○嘉靖十五年。奏准。山東河南南北直隸。凡臨河州縣。各造上中下三等船隻。并置鐵扒尖鋤。疏濬淤淺。○又議准。昭陽諸湖。各該管河官員。將一應湖陂。逐一查勘。果係小民侵占。就令退出還官。其餘堤岸淤淺。從宜修濬。合用工料。於河道銀內支給。○二十年。令於沙灣龍岡陸家墩武家營等淺。置木閘四座。○又奏准。野雞岡孫繼口等處。各置船隻器具。管河官於河水未發之前。督率人夫挑濬。若推調誤事。聽總理河道都御史究問。○隆慶元年。題准。河南輝縣蘇門山百門等泉。乃衛河發源。及小灘一帶。運河賴以接濟。如有豪橫。阻絕泉源。引灌私田。照依山東阻絕泉源事例問罪。○五年。題准。徐邳上下盜決。故決河防。比照河南山東河防事例問罪。

凡閘壩禁令。宣德四年。令。凡運糧及解送官物。并官員軍民商賈等船到閘。務積水至六七板。方許開放。

若公差內外官員人等。乘坐馬快船。或站船緊急公務。就於所在驛分給與馬驢過去。不許違例開閘。進貢緊要。不在此例。○成化十年令。凡閘。惟進鮮船隻隨到隨開。其餘務待積水。若豪強擅開走洩水利。及開閘不依幫次爭鬪者。聽閘官拏送管閘并巡河官究問。因而閣壞船隻。損失進貢官物。及漂流官糧。并傷人者。各依律例從重問罪。于礙豪勢官員。參奏究治。其閘內船已過。下閘已閉。積水已滿。而閘官夫牌。故意不開。勒取客船錢物者。亦治以罪。○萬曆七年題准。往來船隻。俱照例築壩盤壩。如有勢豪人等阻撓者。拏問治罪。于該地方枷號三箇月發落。于礙職官。參奏處治。

明會典卷之一百九十九 工部十九

【河渠四】

【水利】

洪武二十六年定。凡各處開墾陂池。引水可灌田畝。以利農民者。務要時常整理疏濬。如有河水橫流。泛濫損壞房屋田地禾稼者。須要設法隄防止遏。或所司呈稟。或人民告訴。即便定奪奏聞。若隸各布政司者。照會各司直隸者。劄付各府州。或差官直抵處所。踏勘丈尺闊狹。度量用工多寡。若本處人民足完其事。就便差遣。儻有不敷。著令鄰近縣分添助人力。所用木石等項。於官見有去處支用。或發遣人夫。於附近山場採取。務在農隙之時興工。毋妨民業。如水患急於害民。其功可卒成者。隨時修築。以禦其患。○二十七年勅諭。凡天下陂塘湖堰。可瀦畜以備旱熯。宣洩以防霖潦者。皆因其地勢修治之。勿妄興工役。培剋吾民。又遣監生及人材。分詣天下。督吏民修治水利。

盧溝河

盧溝河出太原之天池。伏流至朔州馬邑。從雷山發爲渾泉。會桑乾河。及雲中諸水。經太行山。入宛平縣界。東南至看丹口。分爲二派。一東流至通州高麗莊。入白河。一南流至霸州合易水。又南至丁字沽。入運

河東岸自龐村回龍廟等處至盧溝橋堤岸長二十五里宣德以後時決時修正統元年決狼窩口弘治二年決楊木廠正德元年又決狼窩口俱勅大臣督修嘉靖三十五年題准共修東岸狼窩口等決口一十八處凡築堤二千三百九十二丈甃以條石四十一年水決西岸復命修築東西兩岸各分八區每區約五十丈凡爲石堤九百六十丈

滹沱河

滹沱河源出山西繁峙縣秦戲山歷代崞等川縣東流經眞定府城南至武邑縣合漳水又東北至岔河口入運河天順成化間屢決晉州紫城口東鹿深州俱受水患弘治二年命眞定等府衛發軍民相兼築塞嘉靖九年決眞定城南命大臣相勘行順天保定各撫臣修築大小舊堤

桑乾河

桑乾河發源馬邑之金龍池百斛湧泉迤邐東下南至盧溝會於天津北達宣府之保安州本元運道保安而西直達大同之古定橋皆可舟行中有山石二處湍險爲阻大約水程七百二十七里陸止八十八里

胡良河 琉璃河

胡良河在涿州自拒馬河分流至通州東入渾河琉璃河在良鄉縣自磁家務發源潛流地中至良鄉東

入渾河。渾河水勢洶湧，工力難施。二河下流沙壅處，各不過四五里。疏濬甚易。嘉靖十一年題准，每年四月間，該州縣官督責疏濬。

### 薊州河

國初用遮洋船，從直沽出海轉餉薊州。時有漂沒。天順二年，以海口新開沽，與近州之水套沽正相值，中間止隔陸地十里，遂命鑿通。五年淤塞，仍濬之。弘治初，議發軍夫萬人，鑿河四十里，以免海運。每三年一挑濬。嘉靖初，定額夫八千名。二年一次，令工部官一員，會同巡按御史及天津兵備督工挑濬。

### 昌平河

昌平河在鞏華城外，安濟橋起至通州漕口止，長一百四十五里。中有淤淺難行者三十里。隆慶六年題准，量加挑濬，幫築堤岸，遂成通流。

### 密雲河

密雲城西有白河，故道自牛欄山而下，與潮河交會，水勢深廣。嘉靖三十四年題准，於楊家莊築塞新口，疏濬故道，舟楫通行。

### 天津海口新河

天津海口新河，長一十里四十八步。內王家淺至冀家窩關係運道，每三年兩次挑挖。萬曆六年題准，每

年秋開灌一次。其附近寶坻武清香河三縣。天津。天津左右營州前武清五衛。梁城一所。額夫一千一百五十四名。其餘寫遠州府衛所五十處。該夫五千七百二十九名。俱免力役。每名減半徵銀五錢。或四錢。解送工部寄庫。俟八月間分司差官於附近處所募夫。每日給銀六分。每年九月初一日。計里分工。二十日畢工。管理河道郎中會同天津兵備往來提督。其挑挖泥沙。不許堆積河邊。工完造冊送部查考。

浙西諸水

浙西諸水。太湖爲大。納杭湖宜歙常鎮六府溪澗港瀆之水。以成巨浸。注于江湖。以會於海。每天雨浸淫。水道壅塞。長洲吳江常熟崑山諸縣多被滄沒。永樂二年。命官往治。乃鑿吳淞江南北岸灘塗。及濬安亭等浦。引湖水由嘉定縣劉家港入海。又濬導陽城昆承諸湖水。由常熟縣白茆港入江。又濬淞江府范家浜。至南踰浦口。上接大黃浦。引湖泖之水入海。弘治七年。復命發民夫二十萬。濬吳江長橋諸菱蘆之地。導太湖之水。散入澱山陽城崑承等湖。而開吳淞并大石趙屯等浦。洩澱山湖水。由吳淞江以達於海。開白茆港。并白魚洪鮎魚口等處。洩昆承湖水。以注于江。開七浦鹽鐵等塘。洩陽城湖水。以達於海。開湖州府澧涇。洩天目諸山之水。自西南入於太湖。開常州府百瀆。洩荆溪之水。自西北入於太湖。開各斗門。洩運河之水。由江陰縣以入於江。正德十六年。復命官發軍民夫六十餘萬。起常熟東倉至雙廟。濬白茆港。故道一萬三千八百二十餘丈。起雙廟至海口。改鑿新河三千五百五十餘丈。又濬尚湖昆承陽城等湖。

支河一十九道。吳淞江下流六千三百三十餘丈。并吳江長橋大石趙屯大盈道場等四浦。常州府烏涇等瀆六十三。桃花等港市河等河各四。湖州府大錢小梅等河及漉港七十二。俾上源下委遞相容洩六年。濬丹陽至京口驛諸處淤淺。令運船避孟瀆風濤之險。二十四年題准。濬臧村以溉金壇。溧港以溉武進。艾祁通波以溉青浦。顧浦吳塘以溉嘉定。又濬大瓦等浦。以溉崑山之東。許浦等塘。以溉常熟之北。凡岡壠支河湮塞不治者。皆濬之深廣。使復其舊。隆慶三年。復命開白茆港。劉家河。黃浦港諸海口。及湖浦涇。漉。并浙直交界湮塞處。所備濬深闊。五年。又題准。通修吳淞江。白茆塘。丹陽縣練湖隄岸。悉令完固。萬曆三年。又開黃浦。白茆。吳江諸湮塞口。及修浙江海寧海鹽等縣衝壞海塘。其海鹽石塘。南環澈浦。北接金山。上海等界。尤爲要害。越三年工成。四年。丹陽一帶運道淺阻。議准挑復練湖上下。并濬孟瀆河。通江。凡水利職官。弘治八年。令浙江按察司管屯田官帶管浙西七府水利。仍設主事。或郎中一員。專管。三年更代。○正德九年。設郎中一員。專管蘇松等府水利。○十二年。遣都御史一員。專管蘇松等七府水利。○十六年。遣工部尙書一員。巡撫應天等府地方。興修蘇松等七府水利。浙江管水利僉事。聽其節制。尋設郎中二員。於白茆港。吳淞江分理開濬。○嘉靖三年。罷蘇松等府管水利郎中。仍行浙江管水利僉事帶管。○四年。奏准。貴州水利。委官屯僉事帶管。年終具所修濬圩岸陂塘壩堰閘洞溝渠丈尺。造冊送部查考。○五年。奏准。雲貴水利。委管屯副使帶管。年終具所修濬圩岸陂塘壩堰閘洞溝渠丈尺。造冊送部查考。○六年。令巡

撫官督同水利僉事。用心整理蘇松水利。毋得虛應故事。○十三年。令各處按察司屯田官兼管水利。○四十五年。題准東南水利。不必專設御史。令兩浙巡鹽御史兼管。○隆慶元年。題准四川水利茶法屯鹽併歸一道。○六年。特降勅書以東南水利專責成巡撫。○萬曆三年。令巡江御史督理江南水利。○四年。添設淮安水利僉事一員。於河南按察司帶銜。今○凡水利禁令。正統二年。令有司秋成時修築圩岸。疏濬陂塘。以便農作。仍具疏繳報。俟考滿以憑黜陟。○弘治十八年。令各府州縣治農官。不得別項差占。年終具所轄水道通塞濬否緣由造冊奏繳。考覈黜陟。○嘉靖七年。令陝西河南山東撫按等官嚴督守令疏濬河水。設法隄防。以備旱潦。能修舉者照例旌擢。○又令各處撫按守巡官嚴督所屬以時修濬圩岸壩堰陂塘溝渠之在境內者。○十年。令決河上緊修築。疏通糧運。戶工二部多方從長計議。責令刻期報完。○二十五年。令南直隸巡撫都御史督屬修濬太湖倉州常熟崑山等縣七浦白茆新涇等河鹽鐵許浦等塘。仍令巡按御史驗勘。○二十六年。題准琉璃胡良滹沱等河各下流壅塞淤沒民田。令順天保定各巡撫官親詣查勘。作速開濬。○隆慶三年。題准凡河南等處霸占源頭阻絕河道者。各該巡撫衙門查照故決泉源條律爲首者。發附近衛所係軍調發邊衛各充軍。著爲例。



明會典卷之二百 工部二十

【河渠五】

【橋道】

洪武二十六年定。凡各處河津合置橋梁者。所在官司起造。若當用渡船去處。須要置造船隻。僉點水手。其通行驛道。或有損壞。須於農隙之時修理。所用椿木灰石等項。於本處丁多戶內起夫。附近山場採辦。若在京橋梁道路。本部自行隨時計工成造修理。果有干係動衆。具奏施行。○永樂七年。令海子橋至西湖一路水道差辦事官十員。給與行糧往來巡察。不許作踐。○正統四年。令各府州縣提調官。時常巡視橋梁道路。但有損壞。隨時修理堅完。毋阻經行。○成化二年。令京城街道溝渠錦衣衛官校。并五城兵馬。時常巡視。如有怠慢。許巡街御史參奏拏問。若御史不言。一體治罪。○六年。令皇城周圍及東西長安街。并京城內外大小街道溝渠。不許官民人等作踐掘坑。及侵占淤塞。如街道低窪。橋梁損壞。卽督地方火甲人等併力填修。○七年。奏准各處渡船。每船設稍夫十名。每州縣設老人一名。管理於附近巡司衙門掌之。仍大書老人稍夫姓名於船尾。如有違誤擺渡。及勒索渡錢。聽過往諸人指名陳告。○十年。奏准京城水關去處。每座蓋火鋪一。設立通水器具於該衙門撥軍二名看守。遇雨過卽令打撈疏通。其各廠大

小溝渠水塘河漕。每年二月。令地方兵馬通行疏濬。看廠官員不許阻當。○十五年。奏准。虞衡司添註員外郎一員。專一巡視在京街道溝渠。○二十三年。奏准。凡豪強據河津要處。以船擺渡。規利者。拏問治罪。渡船入官。○弘治十三年。奏准。京城內外街道。若有作踐掘成坑坎。淤塞溝渠。蓋房侵占。或傍城行車。縱放牲口。損壞城脚。及大明門前御道棋盤街。并護門柵欄。正陽門外御橋南北本門月城將軍樓。觀音堂。關王廟等處。作踐損壞者。俱問罪。枷號一箇月發落。○嘉靖十年。題准。大通橋至京倉糧運陸路。每年二月內。巡城御史督併兵馬司修築。該司仍將行過緣由。呈報督理糧運衙門查考。○又題准。京城內外勢豪軍民之家。侵占官街。填塞溝渠者。聽各巡視街道官員。勘實究治。若係各鋪面招牌酒旗。及布棚傘幔。不礙經行者。聽從其便。不許地方旗校火甲人等。一概驅逐。○二十四年。題准。良鄉琉璃河建橋一座。取用各處帑銀三十餘萬兩。內欽助銀九萬三千八百餘兩。○四十年。修理琉璃河博岸。支用工部銀七萬六千餘兩。○萬曆二年。令於涿州胡良河。建石橋一座。北關外。修浮橋一座。慈寧宮發銀一萬五千兩。欽發銀五萬兩。選差司官同內監官管理。分毫不擾於民。○八年。題准。京師街道溝渠。近朝去處。間用甃石欄砌。以防車碾作踐。及各腰牆河墻隄岸門廠修理。用銀三十二萬二千七十兩。有奇。凡五城兵馬掌京城內外街道溝渠。各奉劄付分坊管理。每二年。申呈更調。

洪武二十六年定凡在京并沿海去處海運遼東糧儲船隻每年一次修理其各衙征戰風快船隻等項若有缺少損壞及當修理者務要會計木釘灰油麻藤及所用工具依數撥用如有不敷亦當豫爲規畫或令軍民採辦或就客商收買或外處撥支審度便利定擬奏聞行下龍江提舉計料明白行移各庫放支物料其工程物件照依料例文冊然後興工如或新造海運船隻須要量度產水水便地方差人打造其風快小船就京打造者亦須依例計造木料等項就於各場庫支撥若內外有船隻務要周知其數設或需索運用酌量勞逸多寡撥與其各潮泊所帶辦魚油鰾每歲催督進納備用

一千料海船一隻合用

杉木三百二根

雜木一百四十九根

株木二十根

榆木舵桿二根

栗木二根

槽坯三十八枝

丁線三萬五千七百四十二箇

雜作一百六十一條箇

桐油三千一十二斤八兩

石灰九千三十七斤八兩

總麻一千二百五十三斤三兩二錢

船上什物

絡麻一千二百九十四斤。

黃藤八百八十五斤。

白麻二十斤。

櫻毛二千二百八十三斤一十二兩。

四百料鑽風海船一隻合用

杉木二百二十八根。

桅心木二根。

雜木六十七根。

鐵力木舵桿二根。

櫓坯二十枝。

松木五根。

丁線一萬八千五百八十箇。

雜作九十四條箇。

桐魚油一千一斤一十五兩。

石灰三千五斤一十三兩。

艙麻七百二十九斤八兩八錢。

船上什物

絡麻五百七十四斤一十四兩四錢。

黃藤三百八十三斤八兩。

櫻毛七百三斤。

白麻一十斤。

黃船

國初造黃船。制有大小。以備御用。至洪熙元年。計三十七隻。正統十一年。計二十五隻。常以十隻置京師。

河下聽用。成化八年奏准。照快船事例。定限五年一修。十年成造。其停泊去處。常用廠房。苦蓋軍夫看守。

### 馬船

國初。四川雲南市。易馬羸。及蠻夷酋長貢馬者。皆由大江以達京師。有司用民船載送。洪武十年。令武昌。岳州。荊州。歸州。各造馬船五十隻。每隻定民夫三十名。以備轉送。後復定江西湖廣二省。并直隸安慶。寧國。太平三府。造馬船共八百一十七隻。僉撥水夫二萬三百六十餘名。廣西全州。灌陽縣。造馬船二十一隻。僉民夫五百二十五名。俱隸江淮。濟川二衛。其工食料價銀兩。亦係原編省府徵解。永樂以後。定都北京。遂專以運送官物。及聽候差遣。弘治十三年。免廣西全州。并灌陽縣馬船民夫。其修造并差撥運送等例。詳見南京兵部。

### 快船

國初於錦衣等四十衛。造風快船九百五十八隻。以備水軍征進。後止用供送官物。與馬船相兼差撥。定撥各衛軍丁充小甲人夫。撐駕修造。弘治十七年。裁減水軍左衛二十隻。十八年。又減各衛多餘在塢船一百五十隻。嘉靖二十一年。減疲敝衛分三十三隻。其修造差撥運送等例。詳見南京兵部。

### 海運船

永樂五年。改造海運船二百四十九隻。備使西洋諸國。正統七年。令南京造遮洋船三百五十隻。給官軍。

由海道運糧赴薊州等倉。又登州衛原設海船一百隻。因罷海運。至十三年減八十二隻。止存一十八隻。歲撥五隻。裝運遼東賞軍布花鈔錠。弘治十六年。復減四隻。其十四隻。分派湖廣江西各四隻。就彼成造。浙江福建各三隻。解銀赴部成造。正德四年。以布花折價。陸運前船俱罷。五年。議復造。嘉靖三年。奏罷。仍行各布政司。再不許科派料價擾民。隆慶五年。議復海運。題准動支節慎庫銀一萬五千兩。并淮揚商稅銀一萬五千兩。俱差官解赴漕司。轉委淮揚蘇松兵備。及淮揚二府掌印官。雇覓堪用堅固海船三百餘隻。加修完備。裝載漕糧一十二萬石。將各船分爲六小總。以平定寧靜安全爲號。每號管運正糧二萬石。由海道入天津交割。六年。題准。每年定派海運漕糧二十萬一千一百五十石。共用船四百二十六隻。并把總運官船十隻。酌派湖廣廠造二百隻。責督糧道管理。儀真廠造二百三十六隻。責海防道管理。湖廣每隻給銀二百五十兩。儀真每隻給銀二百九十兩。定限十五年一改造。將河船額數內免造六百五十隻。卽以料價抵造海船。俱應於清江抽分。并浙江蘇州額解料價內。扣解其不足之數量。借河工贓罰等銀支補。萬曆三年。罷海運船亦停造。

供應船

南京光祿寺掌醢署。供應打魚船二隻。每五年一修。十年改造。

後湖船

南京後湖樓座船二隻。平船一十隻。每三年一小修。六年一大修。十年改造。

### 備倭船

沿海衛所。每千戶所。設備倭船十隻。每一百戶。船一隻。每一衛五所。共船五十隻。每船旗軍一百名。春夏出哨。秋回守。月支行糧四斗。船有虧折。有司補造。損壞者軍自修理。今沿海地方自行添造。

### 戰船

新江口戰船。永樂五年。額設一百三十一隻。宣德以後。增至三百一十九隻。至成化十年。堪操者止一百四十隻。其拆卸未造內三四百料者。俱改造二百料快船。嘉靖四年。添造蜈蚣船四隻。每船架佛朗機銃十二副。七年奏准。新江口造完戰巡等船。共四百隻。每十隻作一幫。日輪軍一人看守。季終南京兵工二部各委官一員。會同兵科給事中一員點閱。遇有拋棄槓損。及將隨船什物私自借貸。輕則責令本船官軍陪修。重則參究提問。十一年額定二百隻內兩班操守一百二十二隻。備補二十八隻。改輕淺便利船五十隻。以上南京工部所隸戰船。凡遇改造。具題。五年一修。十年一造。本部覆行。

### 糧船

糧船有二。曰遮洋。曰淺船。永樂初。漕江南粟。一由海道至直古口。入白河。抵通州。一渡淮。遡黃河。至陽武。又陸運至衛河。由衛河抵通州。海運用遮洋船。裏河用淺船。永樂九年。濬治會通河。成運船由淮直達於

衛。遂罷陸運。十三年增造淺船三千餘隻。一年四次。從襄河轉漕。遂罷海運。獨薊州軍餉。用遮洋船海運。如初。凡修理改造南京。并中都。畱守司。江南。江北。直隸。諸衛。湖廣。江西。浙江。三都司。淺船。俱隸清江提舉司。北直隸。諸衛。山東。都司。淺船。并遮洋船。俱隸衛河提舉司。內江南。直隸。湖廣等三都司。淺船。經由瓜洲。儀真。壩者。每五年一造。其餘。止由襄河者。并遮洋船。俱十年一造。宣德以後。江南。直隸。湖廣等三都司。淺船。各歸原衛所自造。嘉靖三年。北直隸。山東。都司。淺船。并遮洋船。俱改清江提舉司造。淺船。今運京通倉。糧。三百七十萬石。遮洋船。今運薊州軍糧。二十四萬石。并天津倉糧。六萬石。

舊額造船共一萬八百五十五隻。淺船一萬五百九十九隻。遮洋船三百四十六隻。

原衛所五千一百四十隻。

江南直隸一千三百五十二隻。

浙江一千九百九十九隻。

江西八百六十六隻。

湖廣九百二十四隻。

清江提舉司四千七百三十五隻。

南京衛分一千五百八十隻。



江北直隸二千三百八十五隻

中都畱守司七百七十五隻

衛河提舉司九百八十隻

北直隸九十三隻

山東五百四十一隻

遮洋船三百四十六隻

今額造船共一萬二千一百四十三隻。淺船一萬一千六百十八隻。遮洋船五百一十五隻。

原衛所五千三百四十隻

江南直隸上江總下建陽等衛六百四十八隻

江南直隸下江總下鎮江等衛松江等守禦千戶所七百七十五隻

浙江都司總下杭州前等衛金華等守禦千戶所二千三十九隻

江西都司總下南昌等衛吉安等守禦千戶所八百六十六隻

湖廣都司總下武昌等衛德安等守禦千戶所一千一十二隻

清江提舉司六千八百三隻

南京總下錦衣等衛八百八十三隻。

南京總下旗手等衛八百七十一隻。

中都留守司總下鳳陽等衛潁上等守禦千戶所八百八十七隻。

江北直隸總下揚州等衛通州等守禦千戶所九百五十五隻。

江北直隸總下淮安等衛一千六百一十隻。

江南直隸上江總下水軍左等衛領駕徐左泗州二衛缺軍八十六隻。

江南直隸下江總下水軍右等衛領駕泗州衛缺軍三十六隻。

江南直隸上江總下水軍左等衛領駕德州等四衛一百二十五隻。

江南直隸下江總下水軍右等衛領駕天津等五衛五十二隻。

山東都司總下臨清等衛東平等守禦千戶所七百七十三隻。

遮洋總下淮安等衛五百二十五隻。

四料淺船一隻合用

底板楠木三根。

棧板楠木三根。

出脚楠木一根。

梁頭雜木三根。

前後伏獅拏獅雜木二根。

封頭楠木連三枋一塊。

挽脚梁雜木一段。

將軍柱雜木一段。

大小釘鍋七百斤。

油灰六百斤。

船上什物

大桅一根。

大篷一扇。

縲索三副。

貓纜一條。

繫水一條。

籐頭繩一條。

捧簞三條。

草鞋底榆木一根。

封梢楠木短枋一塊。

面梁楠木連二枋一塊。

桅夾雜木一段。

艙麻二百斤。

桐油三十斤。

頭桅一根。

頭篷一扇。

度縲三副。

貓頂一條。

絰簞一條。

八皮四條。

抱桅索二副。

櫓四枝。

招頭木一根。

挽子一把。

郎頭一箇。

櫓跳四塊。

戽斗一箇。

弔桶一箇。

竹水斗一箇。

舵牙一根。

水桶一箇。

蓋篷并襯倉蘆席全。

船式樣

底長五丈二尺。

梢長九尺五寸。

脚索二副。

篙子十根。

水橛二根。

跳板一塊。

櫓繩四條。

鐵猫一箇。

挨簷木二條。

舵一扇。

舵關門棒一根。

前後襯倉水基竹瓦全。

頭長九尺五寸。

底闊九尺五寸。

底頭闊六尺。

頭伏獅闊八尺。

梁頭一十四座。

棧板厚一寸七分。

龍口梁闊一丈深四尺。

後斷水梁闊九尺深四尺五寸。

遮洋船一隻合用。

底板楠木三根。

出脚楠木一根。

草鞋底榆木一段。

封頭楠木連三枋一塊。

挽脚梁雜木一段。

將軍柱雜木二段。

大小釘錫八百斤。

底梢闊五尺。

梢伏獅闊七尺。

底板厚二寸。

釘一尺三釘。

使風梁闊一丈四尺深三尺八寸。

兩廠共闊七尺六寸。

底板楠木四根。

梁頭雜木十根。

前後伏獅拏獅雜木二根。

封梢楠木短枋一塊。

面梁楠木連二枋一塊。

桅夾雜木板四片。

艙船麻二百二十斤。

石灰七石。

椿灰并油船桐油一百五十斤。

船上什物

大桅一根。

頭桅一根。

大篷一扇。

頭篷一扇。

縲索三副。

度縲三條。

貓纜一條。

貓頂一條。

繫水一條。

維籃一條。

籠頭繩一條。

八皮六條。

捧盃四條。

抱桅索二副。

槽四枝。

脚索二副。

招頭木一根。

篙子十二根。

挽子二把。

水橛二根。

郎頭一箇。

跳板一塊。

槽跳四塊。

槽繩四條。

犀斗一箇。

吊桶一箇。

竹水斗一箇。

舵牙一根。

水桶二箇。

蓋篷并襯倉蘆席全。

船式樣

底長六丈。

梢長一丈一尺。

底梢闊六尺。

頭伏獅闊一丈。

梁頭十六座。

棧板厚一寸七分。

龍頭梁闊一丈二尺，深四尺八寸。

護貓一箇。

挨簷木二根。

舵一扇。

舵關門棒一根。

前後襯倉水基竹瓦全。

頭長一丈一尺。

底闊一丈一尺。

底頭闊七尺五寸。

梢伏獅闊七尺五寸。

底板厚二寸。

釘一尺四釘。

使風梁闊一丈五尺，深四尺八寸。

後斷水梁闊六尺。深六尺。

兩廠各闊四尺五寸。共九尺。

造淺船洋遮船則例。

舊例清江提舉司。每年該造淺船五百三十三隻。衛河提舉司九十五隻。每隻該用銀一百兩。俱以三分爲率。原船舊料一分。旗軍自備一分。官給一分。該銀三十三兩三錢。遮洋船三十五隻。每隻該用銀一百二十兩。以十分爲率。除原船舊料三分外。官給銀八十四兩。

今例清江提舉司。每年該造船六百八十隻。俱用楠木料。內南京并中都畱守司江北直隸等衛。淺船五百三十三隻。每隻用銀一百二十兩。底船准二十兩。軍自辦三十五兩。官給六十五兩。無底船者在運貼軍辦料銀二十兩。北直隸山東都司淺船九十五隻。每隻用銀一百二兩八錢。底船准二十兩。軍自辦三十二兩八錢。官給五十兩。無底船者在運貼軍辦料銀二十兩。遮洋船五十二隻。每隻用銀一百二十七兩三錢三分。軍自辦六十五兩六錢。官給六十一兩七錢三分。底船不准銀數。聽拆卸相兼成造。

江南直隸衛所。每年該造船不等。用料不一。凡杉木楠木者。十年一造。每隻用銀一百四十一兩四錢六分。底船准二十八兩。雜木者。十年一造。每隻用銀九十六兩七錢一分。底船准二十一兩五錢八分。餘俱軍三民七出辦。松木者。五年一造。每隻用銀七十四兩六錢三分。軍三民七出辦。



底船不准銀數聽拆卸相兼成造。

浙江都司每年該造船四百七隻俱用松木料底船全者每隻用銀八十八兩沈水拆造者九十兩無底船者九十七兩民出七十三兩餘運軍自備。

江西都司每年該造船不等其料用株松二木株雜木者七年一造每隻用銀九十三兩松木者五年一造每隻用銀八十三兩底船各准十兩餘俱軍三民七出辦。

湖廣都司每年該造船不等用料不一凡杉木者十年一造每隻用銀一百三兩底船准三十兩株雜木者七年一造每隻用銀九十兩五錢底船准二十七兩松木者五年一造每隻用銀七十兩三兩九錢一分底船准二十五兩餘俱軍三民七出辦。

宣德五年奏准運糧官軍船南京中都畱守及直隸衛所於淮安修理山東等都司於臨清修理浙江江西湖廣都司皆回原衛修理有司給與材料○正統八年令運糧船損壞附近地方產有物料於清江衛河提舉司修造每處工部差官一員監收督造各衛所仍差撥官軍蓋立廠房相兼匠作用工及貼辦物料○成化七年令工部差官於杭州荊州太平三處抽分竹木等物選上等等者按季送清江衛河二提舉司造船後以解運竹木不便折抽價銀給領○十六年令各處運糧通加耗一斗各把總官變賣時價解送清江衛河提舉司給與官軍造船其有司木料并抽分木植價銀停止○十七年議定清江衛河二提

舉司造船料價銀共一萬七千兩。○二十一年議准淺船舊料一分每隻添銀一十一兩六錢六分有零。連前官給共銀四十五兩。二提舉司出批差人於浙江杭州湖廣荊州二八分廠領回分給官軍聽其買料。從便造完。順運糧赴本部原差提督二提舉司官處查驗印烙。○弘治三年議准每船一隻官給銀五十兩。軍自辦五十兩。底船准二十兩。共銀一百二十兩。○十四年議准清江提舉司船每隻增銀五兩。荊州造船價銀悉於蕪湖取用。○十六年議准清江提舉司船增銀十兩。通前共銀六十五兩。軍止辦三十五兩。○嘉靖八年議准通行各該巡按嚴督各該司府州縣衛所各將年例軍民料價預爲派徵務在上年九月以裏給發。若徵收未完者將貯庫別項官銀借給候完補還。如十二月終不完給者府州縣衛所收料官住俸。正月終不完者府州縣衛所各掌印官住俸。收料官仍革去冠帶首領官吏提解漕運衙門問罪。四月終不完給者都布二司并府州縣衛所各掌印官并催料官收料官一體參究提問。府州縣衛帶官降級。文職送吏部別用。軍職發回原衛帶俸差操。中間若有侵那等項情弊從重究問。○又議准各處衛所將運糧官私料造船隻每隻出印信文憑一紙開寫原編字號料力打造緣由付與駕船旗軍收執運糧如遇糧完其船損壞不堪駕駛赴大通關提舉司具告相看是實就將前文憑收銷附卷官船著令拆卸帶回原衛或清江提舉司交收。自造船隻聽從發賣仍送通州抽分竹木局照例拆卸抽分。○又議准通行各該衛所自嘉靖十三年爲始軍三料銀俱要及時追徵與民七料銀一同解赴工部抽分衙

門驗發寄庫，以便督造。拖欠不完者，許本部督造官輕則住俸提問，重則指實參究。○二十年議准，南京戶部將貯庫鹽引紙價積餘銀內，每年動支一千七百八十四兩。南京兵部將武庫司收貯缺官柴薪銀內，每季動支一千兩，俱自嘉靖十九年爲始。聽候總督漕運巡撫都御史委官支領前去淮安清江浦造船。代南京疲敝衛所餘丁料價，永爲定規。○二十六年題准，遮洋總歲造糧船，自明年爲始，經過臨清衛河提舉司，不許重復印烙，以免稽遲。○四十四年奏准，杭州主事專管抽分，其造船事務以該省督糧道兼管。○隆慶四年題准，令漕運衙門行各司道并船廠主事用心督造，如糧船過淮驗烙之時，查有船不如此者，該管官員不分軍職有司一體參奏。○六年題准，清江廠造船主事不必註選，聽工部選擇司屬題差，仍三年更代。其原委指揮等官革回，經歷縣丞改選。如成造不堅支銷不明，聽漕臣問究。○萬曆元年議准，將江北、南京等節年損壞缺船六百餘隻，行督糧道照依湖廣江西二省船式，就於瓜儀設廠打造。約裝載正耗米可五百石，務要底平倉闊，入水不深，合用料價於漕庫收貯。清江廠船料及堪動銀內支用，船完之日編爲字號，次第驗烙，仍將經造工匠姓名刻於船尾。如無故早壞一年，於工匠名下追補一分。二年遞加。浙江下江等處一體行令刷造，不許雇船誤事。○十三年奏准，清江廠每年修造南京錦衣等衛漕船二百一十餘隻，改歸南京龍江關舊廠團造。

### 河泊麻鐵等課

河泊所舊制。設官管徵麻鐵魚油翎鰓等料。以爲造船之用。原解本色。如遇丁字庫收貯數多。間改折色。嘉靖四十二年。以廣東廣西福建四川地遠。全徵折色。其餘司府。仍徵本色。萬曆三年。丁字庫黃麻熟鐵。絡麻翎毛。收貯數多。將浙江江西湖廣。并南直隸十四府州。題改折色。其餘各料。仍解本色。

浙江布政司

黃麻一萬二千二百八十八斤八兩四錢。遇閏加八百八十斤一十三兩七錢。

白麻四百九十三斤三兩七錢。閏加五十一斤六兩五錢。

黃絡麻五千九百三十四斤一十五兩。閏加四百八十二斤一十三兩五錢。

苧麻四百五十二斤十兩四錢。閏加三十九斤四兩二錢。

熟鐵三萬七千五百二十八斤五兩。閏加二千八百三十二斤一十三兩九錢。

生鐵一千三百三斤二兩。閏加一百八斤九兩七錢。

熟銅五百二十六斤。閏加四十三斤五兩二錢。

生銅九百三十六斤六兩。閏加六十六斤一十三兩三錢。

魚線膠一千七百二斤九兩四錢。閏加一百三斤七兩五錢。

銀硃一百四十四斤一十四兩七錢。閏加一十二斤四兩三錢。

生漆二百二十六斤二兩一錢，閏加一十九斤一兩六錢。

桐油五百九十五斤一十五兩六錢，閏加三十四斤三兩。

以上黃麻絡麻熟鐵，共折銀一千五百六十兩八錢七分四釐七毫三絲五忽，閏加一百一十九兩一分八釐三毫二絲三忽，餘解本色。

### 江西布政司

黃麻鐵等料，共五千六百二十七斤七兩二分八釐，遇閏不加。

折銀一千九百七十二兩六錢七分七釐五毫八絲八忽六微九纖。

### 湖廣布政司

麻鐵等料，共六十萬四千六百四十四斤九兩五錢三分四釐五毫三絲，閏加三萬二千五百四十斤一十兩六錢八分五釐四毫七絲。

折銀一萬三千六百三十一兩二錢六釐八毫，閏加八百三十四兩九分五釐五毫。

### 福建布政司 全徵折色

黃麻八十八斤，閏加一十九斤。

熟鐵二千三百三十四斤一十兩一錢，閏加一百九十斤七兩二錢。

魚線膠五百九十一斤一兩四錢。閏加四十六斤五兩一錢。

以上折銀九十五兩九錢三分二釐七絲。閏加七兩八錢六分九釐五毫六絲。

四川布政司全徵折色

黃麻一萬五千三百七十九斤。

魚線膠三千三百六斤一十五兩。

熟鐵二萬五百五斤一兩。

以上折銀五百七十六兩三錢六釐九毫。閏加三十四兩二錢二分五釐六毫。

廣東布政司全徵折色

熟鐵一萬七千一十四斤五兩。閏加一千二百八十七斤三兩。

黃麻一萬一千一百一十二斤六兩九錢。閏加八百九斤三兩七錢。

魚線膠一千二百八十四斤一十一兩。閏加一百二十五斤一十二兩九錢。

熟銅四百六十四斤一十兩六錢。閏加三十八斤五兩二錢。

生銅一百一十二兩五錢。閏加一十四兩一錢。

羽毛一十七萬七千八百四十七根。閏加一萬五千四百八十九根。

以上折銀九百二十九兩二分二釐八毫閏加七十九兩五錢三分六釐

廣西布政司全徵折色

黃麻一千五百一十六斤四兩四錢

熟鐵一萬二百三十四斤四兩

生銅二百八十四斤三錢

魚線膠一千一十六斤五兩

翎毛一十八萬五千一百九十七根

以上折銀四百三十六兩八分二釐四毫六絲。遇閏不加。

應天府

黃麻一萬七百五十九斤五兩。閏加三百一斤一兩。

白麻八千三百一十九斤七兩。閏加二百四十六斤一十一兩三錢。

魚線膠四百三十八斤一十五兩。閏加一十一斤一十二兩。

翎毛一十二萬三千三百根。閏加三千九百三十四根。

碎小翎毛七百六根。閏不加。

以上黃麻熟鐵翎毛共折銀五百八十兩九錢三分四釐。閏加一十五兩六錢七分六釐。餘解本色。

直隸鳳陽府

黃麻三百一十二斤八兩。

白麻二百六斤四兩。

以上黃麻折銀一十三兩五錢五分。遇閏不加。

廬州府

黃麻一萬二千四百二十一斤。閏加五百五十二斤。

白麻一千四百五十二斤六兩。閏加四十一斤一十兩。

熟鐵一萬一千四百二十六斤。閏加六百六十三斤十兩。

生銅六百六十九斤四兩。閏加八斤一十二兩。

魚線膠三百八十三斤八兩。閏加二十一斤八兩。

翎毛一十二萬四千六百一十六根。閏加七千一百七十八根。

牛角一十六副。閏加一副。



牛筋四斤。閏加十二兩。

以上黃麻熟鐵翎毛。共折銀六百九十七兩一錢九分二釐。閏加三十三兩一錢八分五釐。餘解本色。

淮安府

黃麻二萬八千四百三十八斤九兩。

白麻二萬六千二百三十一斤四兩五錢。

桐油一千二百斤。

生鐵九百六斤六錢。

熟鐵七百五十四斤一兩八錢。

魚線膠七百六十五斤九兩。

翎毛二十九萬四千九百五十五根。

以上黃麻熟鐵翎毛。共折銀一千六百七十五兩五錢七分七釐。遇閏不加。餘解本色。

揚州府

黃麻二萬六千五百八十七斤三兩二錢。閏加一千九百二斤九兩。

白麻二萬三千八百斤一兩二錢。閏加一千六百斤一兩六錢。

魚線膠八百三十四斤九兩三錢。閏加五十八斤七兩八錢。

熟鐵一千二百六十六斤四兩四錢。遇閏不加。

翎毛二十五萬六千五百二十一根。閏加一萬六千九根。

桐油八十八斤四兩。遇閏不加。

以上黃麻熟鐵翎毛。共折銀一千四百三兩六錢六分四釐。閏加一百三兩四錢五分六釐。餘解本色。

蘇州府

黃麻一萬五千六百二十六斤。

白麻一萬一千五百五十九斤。

魚線膠六百一十八斤。

桐油一百九十斤四兩。

翎毛二十一萬三千五百八十八根。

以上黃麻翎毛。共折銀七百六十九兩四錢五分六釐七毫。遇閏不加。餘解本色。

松江府

黃麻九百斤。

白麻四百七十五斤。

魚線膠二十七斤。

桐油一百九十一斤四兩。

翎毛八千六百八根。

以上黃麻翎毛共折銀四十六兩七分。遇閏不加。餘解本色。

常州府

黃麻一萬六千四百五斤八兩四錢。

白麻七百七十三斤。

魚線膠二百八十六斤五兩五錢。

翎毛九萬一千四百二十四根。

以上黃麻翎毛共折銀四百一十七兩九錢九分二毫八絲。遇閏不加。餘解本色。

鎮江府

黃麻三千二百二十九斤七兩。閏加六百三十一斤一十五兩。

魚線膠八十二斤五兩。閏加一十二斤七釐。

翎毛二萬八百八十七根。閏加九百三十三根。

以上黃麻。翎毛。共折銀一百七十二兩三錢一分一釐三毫四絲五忽。閏加一十三兩八錢四分四釐一毫二絲。餘解本色。

寧國府

熟鐵五千九百三十三斤四兩。閏加四百九十二斤四兩一錢。

生銅七百三十斤二兩四錢。閏加六十斤八兩八錢。

魚線膠一百五十二斤三兩。閏加一十一斤一十五兩三錢。

翎毛四萬八千六百七十七根。閏加六千六十一根。

以上熟鐵。翎毛。共折銀二百一十三兩五錢九分。閏加一十八兩六錢七分五釐二毫四絲五忽。餘解本色。

池州府

黃麻八千六百三十五斤四兩五錢。閏加二百八十九斤八兩九錢。

白麻六千五百四斤一十兩。閏加一百九十一斤一兩六錢。

魚線膠四十八斤一兩。閏加二斤一兩三錢。

翎毛七萬三千三百三十六根。閏加一千九百五十二根。

以上黃麻翎毛。共折銀四百四兩二錢七分四釐九毫七絲九忽。閏加一十三兩八分四釐六毫一絲。餘解本色。

### 太平府

黃麻二萬四千五百四十四斤一十四兩四錢。閏加二千二百二十二斤七兩。

魚線膠四百斤一十三兩五錢。閏加三十五斤二兩二錢。

翎毛一十三萬九千七百一十八根。閏加一萬三千四百二根。

採辦翎毛一萬七千七百三十七根。

以上黃麻翎毛。共折銀六百四十八兩六錢四分一釐。閏加五十四兩五分七釐。餘解本色。

### 安慶府

黃麻四萬四千二百二十九斤。閏加三千二百三十二斤一十二兩一錢。

白麻三萬八千五百二十八斤二兩。閏加一千八百六十二斤一兩。

熟鐵一萬七千三百六十七斤。閏加七百一十八斤一十三兩。

魚線膠二千三百八十七斤。閏加一百二十二斤一十三兩八錢。

翎毛七十八萬五千八百一十三根。閏加八萬七千七百五十九根。

以上黃麻熟鐵翎毛共折銀三千四十四兩三錢六分八釐。閏加二百九十二兩二錢一分二釐。餘解本色。

和州

黃麻三千八百三十三斤一十二兩八錢。閏加一百八十二斤九兩九錢。

白麻三千五十一斤一十二兩九錢。閏加一十斤七兩三錢。

生鐵一千九百五十八斤九兩。遇閏不加。

魚線膠一百六斤八兩五錢。閏加一十九斤一十五兩三錢。

翎毛五萬三百九十一根。閏加一萬七千三百二十九根。

以上黃麻翎毛共折銀二百二十九兩九錢二分八釐。閏加一十二兩四錢九分四釐。餘解本色。

【車輛】

洪武五年令造獨轆車。山西、河南八百輛，北平、山東一千輛。○二十六年定凡大小車輛若有成造及修理者，務要計算合用木植、魚膠、鐵箍等項物料，行下丁字庫等衙門依數放支。如式修造，其有司預備車輛，必須備知其數，倘或需索使用，酌量勞逸多寡換與。

牛車一輛合用

榆木三根。

棗木一根。

槐木一根。

杉木板枋一根。

魚線膠一斤。

鐵箍八箇。

鐵釘四十枚。

鐵穿四箇。

車澗八條。

車頭三箇。

永樂十三年令各處造車務用乾燥堅壯木植，依降去樣車成造，就於車上編號印烙，附冊開寫看驗提調官吏并匠作姓名，日後有不堅固者照名究治。○正統十四年造戰車一千輛，每輛上用牛皮十六張，戰車舊屬都水司，今隸虞衡司軍器條下。

計各處造車數目

河南布政司一千四百輛。

都司五百輛。

陝西布政司五百輛。

都司三十輛。

山東布政司一千二百五十輛。

都司六百二十輛。

山西布政司一千五百輛。

都司八百輛。

直隸鳳陽府二百五十輛。

徐州三十輛。

淮安府一百五十輛。

淮安衛二十五輛。

大河衛二十五輛。

壽州衛二十輛。

泗州衛二十輛。

邳州衛二十輛。

宿州衛二十輛。

徐州衛二十輛。

中都留守司一百五十輛。

北京行後府一十輛。



# 明會典卷之二百一 工部二十一

## 【織造】

兩京織染內外皆置局。內局以應上供。外局以備公用。南京又有神帛堂。供應機坊。蘇州杭州等府亦各有織染局。每歲造解有定數。數內有奉欽降花樣改織者。然未嘗增派。後於歲造之外。奉旨題派織解者。曰坐派。一時急缺。令部買辦者。曰召買。間一行之。以非舊制不具載。若制帛誥勅。乃織造一事。及冠服器用。斛斗秤尺。各有法式。今備列焉。

## 【段疋】

凡織造段疋。闊二尺。長三丈五尺。額設歲造者。闊一尺八寸五分。長三丈二尺。歲造段疋。并闊生絹。送承運庫。上用段疋。并洗白腰機。畫絹。送織染局。婚禮紵絲。送鍼工局。供應器皿。黃紅等羅。并只孫楊裙。發文思院。○洪武元年。令凡局院成造段疋。務要緊密。顏色鮮明。丈尺斤兩不失原樣。局官常切比較工程。合用絲料。申請提調正官嚴加提督。但有不堪。究治追陪。○二十三年。罷天下歲織段疋。凡有賞賚。皆給絹帛。如或缺乏。在京織造。○二十六年定。凡供用袍服段疋。及祭祀制帛等項。須於內府置局。如法織造。依時進送。每歲公用段疋。務要會計歲月數目。並行外局織造。所用物料。除蘇木。明礬。官庫足用。蠶絲。紅花。

藍靛、於所產去處稅糧內折收。槐花、梔子、烏梅、於所產令民採取。按歲差人進納該庫支用。

丹礬紅每斤染經用

蘇木一斤

黃丹四兩

明礬四兩

梔子二兩

黑綠每斤用

槐花四兩

明礬三兩

靛青二斤八兩

深青每斤用

靛青四斤

蠶絲

湖州府六萬斤

紅花

山東七千斤

河南八千斤

藍靛

應天府二萬斤

鎮江府二萬斤

揚州府二萬斤

淮安府二萬斤

太平府二萬斤

槐花

衢州府六千斤

金華府八千斤

嚴州府六千斤

徽州府一千斤

寧國府八千斤

廣德州二千斤

烏梅

衢州府一千五百斤

金華府二千斤

嚴州府一千四百斤

徽州府一千五百斤

寧國府一千五百斤

廣德州五百斤

梔子

衢州府五百斤

金華府五百斤

嚴州府二千斤

徽州府五百斤

寧國府五百斤

廣德州二千斤

內織染局

本局如遇織造冬至大祀上用十二章袞服皮弁服題行欽天監擇日禮部題請遣大臣祭告其工匠間有於外府取用者嘉靖四十四年題行蘇松二府各取織羅匠二十名隨帶家小赴部審實送局隆慶元年題准凡有傳奉急用龍袍等件本局果難獨支方許奏行南局織造不得違例陳請

外織染局

本局合用物料。節年查會有無多寡不一。除年例內支用。及甲丁口庫關放。宛大二縣辦解外。其召買大約以嘉靖四十二年為准。該銀六千二兩三錢。今十年料造例。惟賞夷淨衣絹布。係該所染造。其廢盈庫上用絹布。戶部轉行順天府宛大二縣變染。

每年題取染造絹疋物料

藍靛二萬五千三百五斤

煉麻一萬五百斤

土麻一千四百五十五斤

小粉一萬八千零八斤

木柴二十一萬九千八百二十一斤

木炭一萬六千三百三十六斤以上召買

折色藍靛銀四百五十九兩順天府折解

豬胰子二南箇順天府辦解

蘇木烏梅茜草明礬等料甲字等庫關支

內召買各料。嘉靖二十一年議。該價銀一千八百一十五兩。隆慶三年。查減去七百兩。六年復減定為一千五十七兩。

十年一題染練絹疋承運庫關支細閱

供用絹三萬疋內熟絹大紅四千疋桃紅三千疋丹礬紅五千疋藍青八千疋共二萬疋生絹大紅二千五百疋桃紅一千五百疋青一千五百疋黑綠一千五百疋柏枝綠一千

五百疋明綠一千五百疋共一萬疋

賞用熟絹一十二萬疋內大紅九萬疋藍青三萬疋

各處織染局

浙江杭州府

紹興府

嚴州府

金華府

衢州府

台州府

温州府

寧波府

湖州府

嘉興府

江西布政司

福建福州府

泉州府

四川布政司

河南布政司

山東濟南府

直隸鎮江府

蘇州府

松江府

徽州府

寧國府

廣德州

各處歲造段疋數目

每歲造紵絲、紗、羅、綾、紬、絹、舊額各處共該二萬五千四百三十六疋一丈六尺一寸五分。遇閏共加二千六百七十九疋二丈八尺八寸二分。今除江西、湖廣、河南、山東、四省折解外。見徵浙江等布政司。并南直隸、蘇松、廣德等府州縣。本色共二萬八千六百八十四疋一丈九尺一寸五分。遇閏共加二千六十一疋五丈二尺三寸九分。俱以十分爲率。二分織金。八分光素。吐絲七百四十三兩八錢。遇閏加三兩四錢九分。

浙江布政司。紵絲一萬四百三疋。線羅五百二十疋。生平羅一千疋。紗三百六十六疋。色紬五百二十疋。共一萬二千八百一十七疋。閏加紵絲八百一十二疋。線羅三十一疋。生平羅二十五疋。共加八百六十八疋。今徵一萬二千六百六十二疋。閏加八百三十八疋。

江西布政司。紵絲二千八百三疋。閏加三百四十五疋。今徵價銀一萬六百五十一兩四錢。閏加九百三十一兩。

河南布政司。紵絲八百疋。閏加六十七疋。今徵價銀三千一百六十九兩五錢三分五釐二毫。遇閏不

加。

山東布政司、紵絲七百二十疋。閩加六十疋。今徵價銀二千一百七十兩八錢。閩加一百八十兩九錢。  
湖廣布政司、紵絲一千九百三十九疋。閩加一百六十九疋。今徵價銀七千五百二十六兩六錢。閩加  
六百四十八兩四錢。

福建布政司、紵絲二千三百九十二疋。閩加一百九十一疋。二丈四尺。今徵二千二百五十八疋。閩加  
一百八十八疋。二丈四尺。

山西布政司、綾絹各五百疋。閩共加八十六疋。

四川布政司、闊生絹四千五百一十六疋。閩加三百七十七疋。  
直隸蘇州府、紵絲一千五百三十四疋。閩加一百三十九疋。

松江府、紵絲一千一百六十七疋。閩加九十七疋。

常州府、紵絲二百疋。閩加一十七疋。

鎮江府、紵絲一千四百四十疋。閩加一百二十疋。

徽州府、紵絲七百二十一疋。閩加四十八疋。今加五十九疋。

寧國府、紵絲七百九十六疋。閩加四十七疋。今加五十八疋。

池州府、闊生絹二百一十一疋。一丈六尺一寸五分。閩加二十疋。四尺八寸二分。今加一十九疋。二丈八尺三寸九分。吐絲二斤十兩八錢。閩加三兩四錢九分。

太平府、闊生絹五百疋。閩加四十二疋。

安慶府、闊生絹六百八疋。遇閩不加。

揚州府、紵絲一百三十一疋。闊生絹七百一疋。紬三百疋。共一千一百三十二疋。閩加七十二疋。今徵紵絲二百三十疋。閩加一疋。生絹七百一疋。吐絲七百一兩。閩俱不加。

廣德州、紵絲二百四十疋。閩加一十四疋。今加二十疋。

凡歲造。宣德十年。令各處解到段疋。原解人員連原封同該司官吏辨驗御史。送至午門內。會司禮監委官及庫官揀驗。堪中收庫。不許在部開封。○正統元年。令各處歲造段疋等物。該府州縣官將織染局見在各色人匠機張及歲辦并關支顏料等物數目開報巡按官。以憑稽考。○十二年。奏准。歲造段疋。俱令腰封編號。開寫提調及經織染官吏匠作姓名。不堪用者照號問罪。責其賠償。○成化二十年。奏准。各司府設有織染衙門去處。不許另科價銀。轉往別處織買段疋。因而侵剋錢糧。違者從重究治。○嘉靖八年。奏准。各司府州額辦紵絲紗羅紬絹。令巡按御史催督。○十四年。題准。各處歲造段疋。如有過限解納不及原數。并驗過不中等項。布政司至一千疋。府至一百疋以上者。將各掌印官并解官。住俸責限。完日開



支。若司至二千疋。府至二百疋以上者。參行提問。送部降級敘用。○萬曆元年題准。督造專責司府掌印官。辨驗委巡按御史。御史失參。聽本部該科參奏。本部失參。聽該科參奏。

凡改織。天順三年。將揚州歲造紬三百疋。改織紵絲一百疋。○弘治九年。內承運庫缺供用。賞賜段疋。令以歲派絲料。分派各司府。改織各色紵絲。紗羅綾紬五萬五千五百疋。以省另派擾民。○嘉靖五年。以賞用不敷。題准行織造地方。將原額歲造絲料。改織紵絲。紗羅暗花一萬八千疋。各長三丈五尺闊二尺。凡折價。嘉靖七年題准。江西、湖廣、河南、山東地方不善織造。令各折價。每織金一疋。價銀三兩五錢。光素一疋。三兩三錢。仍每疋帶徵路費銀五錢。山東每疋三兩。每百兩加銀五錢。

凡織造內官。弘治十七年。革回蘇杭等府織造內官。令鎮巡等官管理。○隆慶元年。詔罷蘇杭、南京織造。原差內官取回。一切不經織造。盡行停止。嘉靖中。陝西織手絨。廣東等處織葛布。至是俱罷。

凡大漢千百戶襯甲服色。嘉靖二十年題准。每三年一次織造。蘇州府紅紗六十疋。杭州府縐紅羅六十疋。俱均徭內派徵。差官解納。

### 【制帛】

洪武三年定。神帛織文。郊祀上天。及配享。皆曰郊祀制帛。太廟祖考。曰奉先制帛。親王配享。曰展親制帛。社稷。歷代帝王。先師孔子。及諸神祇。皆曰禮神制帛。功臣。曰報功制帛。蒼白青黃赤黑。各以其宜。南京司

禮監神帛堂年例織造起運赴京各樣制帛一千九十六段。南京太常寺關領各樣制帛二百五十五段。運赴顯陵奉先白色制帛一十八段。每年共該用帛一萬三千六百九十段。例該十年一次料造。

【誥勅】【鐵券附】

洪武二十六年定。照依品級制度。如式製造。所用五色紵絲。誥身、誥帶、黃蠟、花椒、白麩、紙劄等項。差人赴內府織染局等衙門關支。

誥勅式樣

誥、織用五色紵絲。其前織文曰奉天誥命。勅、織用純白綾。其前織文曰奉天勅命。俱用升降龍文。左右盤繞。後俱織某年月日造。帶俱用五色。

鐵券

洪武二年。新製給賜功臣。面刻誥文。背鑄免罪減祿之數。字嵌以金。爲左右二面。合以字號。○二十六年定。公侯伯襲封鐵券。行下寶源局。依式打造。所用瓜鐵木炭。須於丁字庫抽分竹木局關支。如遇完備。進赴內府鑄嵌。

鐵券尺寸

公

一様、高一尺、闊一尺六寸五分。  
二様、高九寸五分、闊一尺六寸。

侯

三様、高九寸、闊一尺五寸五分。  
四様、高八寸五分、闊一尺五寸。  
五様、高八寸、闊一尺四寸五分。

伯

六様、高七寸五分、闊一尺三寸五分。  
七様、高六寸五分、闊一尺二寸五分。

【冠服】

洪武二十六年定。凡製造皇帝、皇太子、親王、袞冕袍服。務要擇日興工。仍擇日以進。其餘婚禮妝奩并太常寺祭服淨衣。及給賜衣服冠帶。喪禮衫巾。并行移鍼工巾帽二局。如法製造。其給賜衣服冠帶。圓領貼帶。角須要預先多辦。以備不時賞賜。

各王府冠服

親王妃世子同

冕服一副

常服一副以上尙衣監辦

銀事件一副以上銀作局辦

親王妃世子同

冊盞袂褥鎖鑰服匣一副

玉穀圭一枝匣全

玉革帶一條

玉禁步一副

錫合一箇

禮服匣一座以上內官監辦

金鳳一對

金墜頭一箇

玉革帶事件一副

皮弁服一副

金冊一副

翠珠七翟冠一頂用藍青冠蓋大紅羅冠罩事件全

玉綬花一副

玉佩玕璫一副

合香串一副

鳥料一副珍珠全

金冊一副

金簪一對

金寶鈿花九箇七翟冠頂上用

玉佩玕璫鈎二箇

綵結垂頭花葉一副玉綵花用上銀作局辦

大彩大紅素夾三件

大紅素紵絲一件表紵絲一疋零一丈  
裏熟絹一疋零一丈

大紅素線羅一件表素線羅一疋  
裏生絹一疋

深青素線羅一件表素線羅一疋  
裏生絹一疋

鞠衣實全繡鸞鳳綵繡雲夾四件

大紅素紵絲一件表素紵絲一疋  
裏生絹一疋

大紅素銀絲紗一件表素銀絲紗一疋  
裏生絹一疋

大紅素線羅一件表素線羅一疋  
裏生絹一疋

深青素線羅一件表素線羅一疋  
裏生絹一疋

各色熟絲線大紅一兩二錢  
五分青三錢

青線羅綵繡鸞鳳夾霞帔二副

各色素線羅大帶大紅三條  
深青一條

大紅綿布包袱一條以上俱織  
工局辦

郡王

冊盞袂褥鎖鑰服匣一副內官  
監辦

鍍金銀冊一副

銀事件一副以上銀  
作局辦

如初封加銀印池一箇銀作局辦印匣一箇內官監辦

郡王妃

冊盞袂褥鎖鑰服匣一副

內官監辦

鍍金銀冊一副

銀作局辦

凡將軍以下冠服嘉靖七年議准定擬價銀遇有該府便差人員給與印信領狀赴部關領勘合各回本布政司支領自辦該司每歲終將給過緣由造冊繳報○四十四年定郡王將軍中尉郡縣主君冠服通行裁革惟親王世子妃仍舊

凡靈濟顯靈二宮及福建靈濟宮各眞君袍服每三年一題換

凡賞賜衣服永樂十二年添設主事一員於六科廊專管成造其紵絲紗羅絹布每套俱有圓領襖褱或女衣或幼小男女衣賞賜番僧則用紵絲禪衣紵絲賞古麻肇哈喇藍綾貼裏絹衣貼裏青布衣

每年二次題造

上半年成造

織金紵絲圓領八百件

素紵絲圓領二百件

紵絲搭襖貼裏各千件

絳圓領襦褙裏各三十件

黑牛皮靴二千雙

白羊毛氈靴二千雙

計用各色紵絲二千五百一十二疋一丈六尺內承運庫放支闊生絹二千六百六十三疋八尺承運庫放支送織染所變染藍紅二色青紅熟絲線一十五斤木炭四百斤并皮靴氈靴俱工部召商買辦。

### 下半年成造

織金紵絲圓領八百件

素紵絲圓領二百件

紵絲襦褙貼裏各千件

絹圓領襦褙貼裏各三十件

絹裏一百套

計用各色紵絲二千五百一十二疋一丈六尺內承運庫放支闊生絹二千九百一十四疋一丈六尺承運庫放支送織染所變染青紅熟絲線一十八斤木炭四百五十斤工部召商買辦。

凡給賜貢夷衣服詳見禮部主客司

遼東三衛每年二次給賞本色衣靴襪段疋共六百分。

女直建州等三百六十四衛所站寨每年一次給綵段折銀每段一疋折銀三兩共一千七百餘分。

陝西四川二處番人番僧每三年一次給綵段折銀共三千七百餘分。

靈藏贊善王差來番僧紵絲綾貼裏衣折銀北虜加賞萬曆元年題准於內承運庫關領各色織

金胷背紵絲五百五十八疋六科廊成造衣二百套給賞自後每年照例因貢遞加四年加至四

百三十六套。

凡給賜衍聖公祭酒等官冠服詳見禮部主客司

凡給賜狀元進士冠服

狀元宴花抹金銀牌腳一副牌上敘恩榮宴三字

素銀帶一條照六品制以上銀作局辦

黑角帶一條 朝服大紅羅袍一件大紅羅裙一條

大紅羅蔽膝一條三項共用大紅線羅五丈八尺黑綠線羅一丈二尺紅生絹九尺青蘇絹五尺連中單共用白紅絲線三錢五分

白絹中單一件用白蘇絹二丈二尺

梁冠一頂簪纒全

烏紗帽一頂展翅全



玳瑁一副銅鈎全

黑朝帶一條以上文思院造

履靴一雙

進士巾三百五十頂展翅俱全

翠葉絨花七百枝牌上紋恩榮宴三字

丈二尺承運庫關支生絹送織染局染

黑角革帶三百五十條以上文思院造

凡給賜雲貴四川監生冬夏衣每年一次嘉靖十五年議准支給價銀聽其自製著爲例

夏衣三百套每套三件用藍白腰機夏布二疋一丈五尺每疋三丈二尺折銀三錢三分該銀八錢一分四釐六毫八絲七忽五微

冬衣三百套每套三件用闊生絹四疋三丈每疋三丈一尺折銀五錢五分絲綿一斤折銀五錢五分該銀三兩二錢六分五釐六毫二絲五忽

凡祭祀淨衣文思院每年一次題造給道士廚役例不追收○永樂十二年定各壇該用絹布淨衣六科

廊每年三起成造共八百九十五套每套四件共三千四百三十六件○嘉靖中分建四郊成造淨衣一

千七百二十八套○十一年題准四郊并祈穀社稷六壇樂舞生道士各給絹布等物行令自造臨期聽

御史查點廚役照舊造給著爲例○三十三年題造各壇廟廚役巾袍二百六十件緋帽鞋襪各三百件

錦綉一副青絲網環全

木笏一片營繕所造

氈鞋一雙以上皮作局辦順天府解銀召買

袍三百五十領每件用天青水緯羅三丈二尺黑青水緯羅七尺裏用藍絹三

木笏三百五十片營繕所造通該順天府折價解部

○四十五年增造大享殿樂舞生道士淨衣二百一十六套。○隆慶元年止存四郊社稷五壇照例成造給賜。

計各壇淨衣

圓丘壇道士淨衣二百八十七套

廚役綿淨衣三百套

方澤壇道士淨衣二百六十一套

廚役單淨衣三百套

朝日壇道士淨衣二百三十二套

廚役夾淨衣二百套

夕月壇道士淨衣二百三十七套

廚役夾淨衣二百套

社稷壇春秋兩祭道士淨衣共四百五十二套

凡各壇廟祭祀冠服嘉靖中定。

圓丘典儀執事三十五人。司御拜位五人。青段祭服共四十套。梁冠革帶玳瑁笏板鞋鞮全。

舞生、文六十六人。各門燒香一十五人。天青段袍襯共八十一套。冠帶鞋鞵全。武六十六人。各門燒香一十五人。天青段袍襯共八十一套。天丁帶冠靴鞵全。

樂生七十二人。各門燒香一十八人。天青段袍絹襯共九十套。冠帶靴鞵全。

方澤典儀執事三十六人。青紗祭服三十六套。冠帶玳瑁笏板鞋鞵全。

舞生、文六十六人。各門燒香八人。玄色紗袍襯共七十四套。冠帶鞋鞵全。武六十六人。各門燒香八人。玄色紗袍襯共七十四套。天丁帶冠靴鞵全。

樂生七十二人。各門燒香九人。玄色紗袍絹襯共八十一套。冠帶靴鞵全。

朝日典儀執事九人。素羅祭服九套。冠帶玳瑁笏板鞋鞵全。

舞生、文六十六人。各門燒香七人。紅羅袍襯共七十三套。冠帶鞋鞵全。武六十六人。各門燒香七人。紅羅袍絹襯共七十三套。天丁帶冠靴鞵全。

樂生七十二人。各門燒香五人。紅羅袍絹襯共七十七套。冠帶鞋鞵全。

夕月典儀執事一十三人。青羅祭服一十三套。冠帶玳瑁笏板鞋鞵全。

舞生、文六十六人。各門燒香七人。玉色羅袍絹襯共七十三套。冠帶鞋鞵全。武六十六人。各門燒香七人。玉色羅袍絹襯共七十三套。天丁帶冠鞋鞵全。

樂生七十二人。各門燒香五人。玉色羅袍絹襯。共七十七套。帶冠鞋鞵全。

稷典儀執事一十二人。青羅祭服一十二套。冠帶玳瑁笏板鞋鞵全。

舞生文六十六人。各門燒香三人。紅羅袍絹襯。共六十九套。冠帶鞋鞵全。武六十六人。各門燒香三

人。紅羅袍絹襯。共六十九套。天丁帶冠靴鞵全。

樂生七十二人。各門燒香四人。紅羅袍絹襯。共七十六套。冠帶鞋鞵全。

太廟祫祭典儀執事七十九人。青羅祭服七十九套。冠帶玳瑁笏板鞋鞵全。

五祀執事一十三人。青絹祭服一十三套。冠帶玳瑁笏板鞋鞵全。

太廟四孟時享并司門等祀典儀六十六人。青羅祭服六十六套。冠帶玳瑁笏板鞋鞵全。

舞生文六十六人。各門燒香四人。紅羅袍絹襯。共七十套。冠帶鞋鞵全。武六十六人。各門燒香四人。

紅羅袍絹襯。共七十套。天丁帶冠靴鞵全。

樂生七十二人。各門燒香四人。紅羅袍絹襯。共七十六套。冠帶鞋鞵全。

帝王廟典儀執事四十五人。青羅祭服四十五套。冠帶玳瑁笏板鞋鞵全。

舞生文六十六人。各門燒香七人。紅羅袍絹襯。共七十三套。冠帶鞋鞵全。武六十六人。各門燒香七

人。紅羅袍絹襯。共七十三套。冠帶靴鞵全。

樂生七十二人。各門燒香六人。紅羅袍絹襯。共七十八套。冠帶鞋鞵全。  
先師廟典儀執事六十一人。青絹祭服六十一套。冠帶全。

舞生文三十八人。各門燒香三人。紅絹袍襯。共四十一套。冠帶鞋鞵全。

樂生四十六人。各門燒香三人。紅絹袍襯。共四十九套。冠帶鞋鞵全。

太歲壇典儀執事一十八人。青絹祭服一十八套。冠帶全。

舞生文六十六人。各門燒香七人。紅絹袍襯。共七十三套。冠帶鞋鞵全。武六十六人。各門燒香七人。

紅絹袍襯。共七十三套。天丁帶冠靴鞵全。

樂生七十二人。各門燒香六人。紅絹袍襯。共七十八套。冠帶鞋鞵全。

歷代帝王陵寢。每三年一次。遣道士致祭。給賜淨衣二十四套。每套二件。藍夏布整衣。青夏布直領。嘉靖三十四年減去一套。

凡陪祀官祭服。嘉靖三十三年題造。各壇廟陪祀官員紗羅祭服九十一套。○萬曆三年。令造給七十二

衛應祀武官紗羅祭服共三百套。

### 【器用】

洪武二十六年定。凡供用器物及祭祀器皿。并在京各衙門合用一應什物。行下該局。如法成造。若金銀銅鐵等器。隸寶源局。皮革隸皮作局。竹木隸營繕所。疋帛隸文思院。皆須度量所料物色。委官覆實相同。

不許多支妄費。○永樂中設器皿廠。工部添設郎中一員。後改註選主事專管廠內十二作。曰餞金、油漆、木竹、銅錫、捲胎、蒸籠、桶、鏟、祭器、鐵索。每年光祿寺坐出該用器皿數目。題送工部奏准。劄付本廠修造完備。該寺差人領用。

凡祭祀器皿。洪武元年令太廟器皿。易以金造。乘輿服御諸物。應用金者以銅代之。○二年定祭器皆用盜。○十七年製祔宗廟冊寶。以檀香爲之。冊文填以金。○正德元年令修造孝陵祭器。行南京工部轉行各衙門備辦。○嘉靖七年添造文廟秋祭冰盤一百八十九件。皆硃表錫裏。○九年定四郊各陵盜器。圓丘青色。方丘黃色。日壇赤色。月壇白色。行江西饒州府如式燒解。計各壇陳設太羹盃一。和羹盃二。毛血盤三。著尊一。犧尊一。山壘一。代簋籩籩豆。瓷盤二十八。飲福瓷爵一。酒鍾四十。附餘各一。○十七年饒州府解到燒完長陵等陵白瓷盤爵共一千五百一十件。附餘一百五十件。行太常寺收貯。○四十三年議准。修造各壇祭器。責令器皿廠鋪戶買辦。完日一體出給實收。免行一一具題。

凡供用器物。光祿寺年例器皿。一年一題。行器皿廠修理成造。○成化十二年奏准。歲造一萬件。工部七千件。南京工部三千件。○弘治二年奏准。增添歲造一萬二千件。工部八千四百件。南京工部三千六百件。○嘉靖二十四年。添造七千一百五十件。○二十五年令。歲造三萬二千三百件。工部二萬八千七百件。南京工部三千六百件。其二十四年新添之數減去。○二十六年令。工部增造新添之數。南京工部仍

舊共歲造三萬九千四百五十件。○隆慶元年令照弘治舊額歲造一萬二千件。仍於額外多造三千件。預備缺乏其續添之數盡行裁革。

工部修理并成造共八千四百件

珍羞署三千七百件

大官署一千二百七件

良醞署一千一十件

掌醞署二千四百八十三件

南京工部成造三千六百件

珍羞署一千四百七十七件

大官署四百四十三件

良醞署四百一十八件

掌醞署一千二百六十二件

額派各抽分廠單料杉板□解本色嘉靖九年□照京價折解

杭州抽分廠銀四千七百八十二兩五錢

蕪湖抽分廠銀四千七百八十兩

荊州抽分廠銀四千七百八十兩

凡典禮台用器物登極遣大臣祭告嶽鎮海瀆陵寢先師諸王等墳廟合用黃平羅銷金雲龍夾袂二百五十九條。硃紅木匣二百五十九箇。鎖鑰全隆慶元年例時有增減郊祀慶成宴共造器皿七千七百二十四件。宴

花一萬一千枝。隆慶元年例幸學釋奠題准白瓷尊爵盤盃內承運庫取用貼金靈芝花鳳笙琴瑟等件內官

御用司設等監修理祝板錫爵大銅爵等件工部成造修理。隆慶元年例遣祭先聖歷代帝王陵寢每三年一

次合用黃平羅銷金亭罩六座包裹祭文黃平羅銷金雲龍夾袂三十六條裝盛香帛硃紅木匣三十六

箇鎖鑰全。嘉靖三十四年例親耕耤田合用房屋。木架十五間該營繕司辦庶人絳衣等。絳衣青絲縹白縷

六該都水司辦外黃龍口犁一張。黃犍牛一隻黃絨鞭一把黃絨索一副耙二副紅犂十二張。黃牛十隻紅鞭十

二〇〇套索十二副農夫挑擔竹筐十對鐵鋤鐵鍬大鍬各十張米篩竹箕荆筐簸箕各十箇竹掃苗掃

帚各十把俱劄行順天府辦送。隆慶元年例大婚合用硃紅戩金盤盒并黃紅羅絹銷金夾單袂茶袋等件器

皿共五千二百六十件藍絹葉羅帛花五千枝及乾清坤寧二宮鋪設簾櫳繡龍鳳帳幔鋪陳龍毯花毯

地氈草席竹簾等件共一千二百三十二件。嘉靖元年例親王出閣婚禮每位合用硃紅器皿八百三十一件

藍絹葉羅帛花三千五百枝。嘉靖三十二年例各王府册封中方木櫃。各年多寡不一器皿廠造

婚禮誥命匣袱。誥匣一副用紵絲襪裏對鎖鑰全內誥嵌寶玉軸玉籤紅羅銷金大小袱各一件

行甲字等庫先關後補。嘉靖四十年例准每年額造一千副凡各

王府及儀賓誥命每〇造匣裝盛并用紅緞紅綿等物包裹齋送

喪禮諭册寶。親王誥册寶成化五年令工部促辦付掌行

凡改造器物永樂間令守衛官軍木牌更造以銅〇嘉靖二年令江西燒造瓷器內鮮紅改作深礬紅〇



三十年題准。光祿寺日用連二等盒水花硃。改爲銀硃。黃絨索改爲黃綿紗索。南京亦照此改。凡停造器物。正統十四年奏准。今後在京易辦不急之物。如馬槽之類。不必遠取。○成化二十一年。詔南京工部。成造馬槽馬椿等項。麤重之物。沿途軍民運送勞擾。一切停免。有缺在京成造。○嘉靖八年題准。光祿寺器皿。日用不可缺者。照例修飾。其係裝飾附餘。俱從質免造。凡折價送造。成化六年奏准。內監歲用馬槽及他器皿。令南京類送價值。在京成造。○正德二年題准。南京工部。原行買運柁木一千二百根。每根折蘆課銀五兩。解部買木成造。以省轉運。○嘉靖二年奏准。山西、山東、陝西、河南。原解成造上用并各宮物料。羊毛、皮、綿紗等八萬四千斤張。照弘治間例。解銀赴部召買。仍罷正德間諸傳送者。

凡查理器皿。嘉靖十二年題准。光祿寺供應銅器鐵器。各該署官。務令典守人役。用心防護。必待送出損壞一件。工部方與換新一件。如無不准交換。典守人役并各該署吏。仍聽本部查究。○二十三年題准。光祿寺添造器皿數多。該寺監供應之後。務卽照數發出。不得私匿棄毀。如違許巡視科道官指名參奏。○四十三年。以器皿廠料銀過多。題准清理。照原題數目。每日填票送光祿寺掛號驗收。仍置簿二扇。一存本廠。一送該寺。每日登記。按月倒換。該廠將各器物料。從實估計。毋得侵冒。○又題准。今後該廠將會計器皿正數。按月分作三次類送。仍於號單內每副件下。開載價銀若干。巡視衙門及光祿寺驗看。本

寺仍行堂上官一員專理置簿三扇。一記收數。一記放數。一記回銷之數。月終送部稽查。如造作人役作弊。聽巡視部寺各衙門參送治罪。

【斛斗秤尺】【法馬附】

洪武元年令鑄造鐵斛斗升付戶部收糧。用以較勘。仍降其式於天下。○二十六年定。凡使用斛斗秤尺。著令木秤等匠。記算物料。如法成造。所用鐵力木、杉木、板枋、生鐵等項。行下龍江提舉司等衙門照數放支。其合用錘鉤。行下寶源局督工鑄造。如是成造完備。移咨戶部較勘收用。○正統元年奏准。蘇松等處原降鐵斛斗升。行南京工部照舊式鑄造。給領收掌。以備較勘。○又令各處斛斗秤尺。府州縣正官照依原降式樣較勘相同。官民通用。仍將式樣於常街市懸掛。聽令比較。○成化二年題准。私造斛斗秤尺。行使者。依律問罪。兩鄰知而不首者。事發一體究問。○嘉靖四十五年題准。南京供用庫斛升斤秤等。行南京工部撥匠料造三千八百七十六副。

天平法馬

嘉靖八年奏准。製天平法馬一樣七副。六副分給各司。并監收內府銀料科道官。一副留部堂爲式。凡解戶及本部送進內府銀兩。俱照戶部則例。給文掛號領票關給。預先稱驗包封。會同該監較收。

